


EDEN WA SATANA

 Tiyeni ise tisindame. Chiuta wakutemweka, ise tikumuwongani Imwe usikuuno chifukwa cha mwaŵi ukulu uwu, kuti tafikaso mu Zina la Fumu Yesu, kuzakakumana na murwani withu, murwani Winu, kuno ku malo ghakurwera nkondo; na Mazgu, kumuchimbizgira kutali iyo kufuma ku ŵanthu Winu; kuti iwo ŵangamanya kuwona, usikuuno, Fumu, Kungweruka kwa Ivangeli. Ine nkhuromba kuti Imwe muphakazge maso ghithu na mankhwala gha maso, kuti igho ghangamanya kujurikira ku Unenesko; mwakuti ise tingamanya kufuma pano, kuyowoyanga mu mitima yithu, “Kasi mitima yithu yagoleranga chara mukati mwithu apo Iyo watiyowoyeskanga apo tayendanga mu nthowa?” Chizgani ŵarwari na ŵakupwetekeka. Chiskani ŵakufoka. Kwezgani muchanya mawoko ghakufoka agho panyengo yinyakhe ghakakhira pasi. Mphanyi ise tangulaŵiska pa Kwiza kwa Fumu Yesu, uko ise tikugomezga kuli pafupi. Ise tikuromba ichi mu Zina la Yesu. Amen.

Khalani pasi.

² Ine ndiyezgenge kuti ndifupikiske usikuuno, chifukwa ine nkhumanya ŵanandi ŵafuma muvigaŵa vyakupambanapambana vya charu ichi, ku...chifukwa cha ungano; panji mwangukhalira kunyuma, ŵanji ŵa imwe, ndipo mukwenera kuti muwerere, panji mukupenja nthowa zakuti muwerereso kunyuma. Ndipo ine nkhumuwongani imwe. Mlenji uno ine nakhumbanga kumupulika M'bale Neville, inendekha. Ndipo ine nakhala nkhumupulika iyo nyengo zinandi, ndipo nyengo zose nkhamupulika iyo ine nkhumuwonga iyo. Kweni mlenji uno, uthenga wa nyengo ula, ine nkhumanya ine nangurongozgeka na Fumu kuti nipulikizge kwa chira mlenji uno. Ntchiweme chomene! Ndipo ine nawona chifukwa icho imwe mwaŵanthu mukutemwera kwiza na kupulikizga kwa iyo, namweso. Ndipo nyengo zose iyo wakumuchitirani imwe chiweme, ine ndiri nachigomezgo, kupulikizganga kwa iyo.

³ Ine nayezezanga kuwona mndandanda wa aŵo ŵakukhumba kukumana nane muhanyauno; mlenji uno na kumuhanya kuno. Ine ndichali nawo ŵanandi, ŵanandi, ŵanandi ŵakuti ndikumane nawo. Ndipo ine. . .

⁴ Umo, ine nkhuomezgera, wakaŵa Jethro wakaphalira Moses nyengo yimoza, wakati, “Ichi ntchinonono chomene kwa iwe.” Ntheura, ise tiri naŵo ŵabale ŵanandi pano pa masuzgo ghinu. Ndipo waliyose wa iwo wakaŵa wakuzomerezgeka, ndipo ivyo ndi vinthu viweme ivyo vikwenera kuti vipwerereke. Ndipo ine ningamanya kuzomerezga muliksa withu, panji

M'bale Mann, na wapharazgi wanyakhe wa Chipulikano chithu kuno. Imwe mungamanya kuluta kwa iwo. Iwo wangamanya kumuphalirani imwe ndendende chinthu chakuti muchite; wanthu wanyakhe, wana wawo; wakutorerana, panji vinyakhe ivyo nviheni. Ndipo wanthu awa wangamanya kumovwirani imwe umo—umo waliyose wangachitira, chifukwa iwo ndi wateweti wa Khristu. Ndipo mulute kwa iwo, ndipo ine nkugomezga kuti iwo wa—iwo wangamupani imwe wovwiri uwo imwe mukukhumba. Ine ningafika chara kwa waliyose wa iwo. Iwo mbanandi waka chomene, kulikose uko imwe mungamanya kuruta. Iwo wakulutirira waka kusazgikirangako na kusazgikirangako, imwe wonani. Ndipo—ndipo iwe ukukhumba kufika kwa waliyose wa iwo, kweni iwe ungachita chara ichi. Kweni ine nkhuromba rutaruta kuti Chiuta, munthowa yinyakhe, wachitenge ichi makoraghe kwa imwe.

⁵ Sono, usikuuno, ise tikukhumba tilute ku Lemba, ndipo tiwengeri chiga wa cha Lemba kufumira mu Genesis, chipatulo 3; na kuwerera kunyuma pachoko waka ku vinthu vinyakhe ivyo takhala tikuyowoya, mu nyengo zakale, ndipo tiwone usange Fumu Yesu yingamanya kutipa ise vyakuchulukirapo pachoko pa ivyo ise timanyenge para ise tikufuma. Ine nkhuromba—nkhuromba kuti Iyo wachitenge.

Sono njoka yika wa yiryarya chomene kwakuruksa vinyama vyose vyamuthengere ivyo FUMU Chiuta wakapanga. Ndipo iyo yikati ku mwanakazi, Wati, kasi Chiuta wakati, Imwe mureke kurya vipambi vya makuni ghalighose gha mu munda?

Ndipo mwanakazi wakati ku njoka, Ise tingamanya kurya vipambi vya makuni gha munda:

Kweni vipambi vya khuni ilo liri pakati pa munda, Chiuta wayowoya kuti, Imwe mungaryanga chara, nesi kulikwaska ilo, mzire imwe mufwe.

Ndipo njoka yikati ku mwanakazi, Imwe mutifwenge nadi chara:

Pakuti Chiuta wakumanya kuti mu zuwa leneilo imwe timuryerengopo, ntheura maso ghino tighajurikenge, ndipo imwe muwenge nga mbachiuta, kumanya uweme na uheni.

Ndipo para mwanakazi wakawona kuti khuni lika wa liweme kulirya, na kuti lika wa liweme mu maso, ndipo khuni lakunwekera kumupanga yumoza wavinjeru, iyo wakatorapo chipambi chakhe, ndipo wakarya, ndipo wakaperekaso kwa mufumu wakhe pamoza na iyo; ndipo iyo wakarya.

Ndipo maso ghawo wose ghakajurika, ndipo iwo wakamanya kuti wakawa nkhuuli; ndipo iwo wakasoka

*mahamba gha mkuyu pamoza, ndipo wakajipangira
iwoivene malaya.*

6 Nkhuromba kuti Fumu yisazgireko vi . . . vitumbiko Vyakhe ku kawerengero ka Mazgu Ghakhe. Sono ine nkhuukhumba kutorapo makani usikuuno, kufuma pa icho, na kuwuzunura: *Eden wa Satana*. Kayowoyero kachoko kakunyoza, kakuti, *Eden wa Satana*. Ichi chikuwa ngati chikuyana, na zuwa linyakhe pa Sabata usiku, ine nkhuomezga, para ine nkhuwoyanga kwa imwe kuno pa mutu wakuti *Sefa ya Munthu Wakughanaghana*, na kucheta kwa munthu mutuwa.

7 Ndipo nyengo zinyakhe mayowoyero agha ghakupweteka ghakutitorera ise ku chinthu chinyakhe; uku kukutipangiska ise kuti tiwerege, na kumupangiskani imwe kuti muwerege Mazgu. Ndipo ichi ndicho ine nkhuukhumba kuti gulu lane lichitenge. “Munthu wakhalenge na chingwa pera chara, kweni na Lizgu lose ilo likufuma mu mlomo wa Chiuta.” Ntheura, weregani Mazgu; ghasambireni Igho. Ndipo mughasambire Igho na maso gha Chiuta, kupereka ku mahara ghinu kapulikiskiro ka umo ise tingamanya kukhaliranga mu nyengo iyi ya sono.

8 Sono kuti tifike kuno, usikuuno, kuzakayowoya waka kwa imwe, na kuti, “Enya, ine ningamanya kuchita *ichi* panji *icho*, . . .”

9 Ine nkhuitemwa kucheza na wanthu, ngati ndumo ine ningatemwa kuluta ku nyumba ya waliyose wa imwe usikuuno. Ine . . . Chiuta wakumanya kuti uwu ndi unesko. Ine ningatemwa kuluta ku nyumba na waliyose wa imwe, na—na kurya—kurya namwe chakurya cha mlenji, na—na—na kuluta kukasaka wabenga na imwe namachero kumuhanya, wonani. Ine—ine ningatemwa kuchita ntheura, kweni ine—ine ningachita chara icho. Ndipo ine ningatemwa kuluta ku nyumba na kukhala waka pasi na kuyowoyiskana na imwe; kukhala pa khonde para ungano wamara, na kuyowoya na imwe kwa nyengo yichoko, kuyowoya kwa imwe za umoyo winu na za Chiuta. Ine ningatemwa kuchita icho. Wanarumi na wanakazi muno; Chiuta wakumanya ine ningatemwa kuchita icho, kweni ine ningachita chara ichi. Wonani, pali waka chantheura—chantheura chikoka na chakuvuska.

10 Ndipo—ndipo mu muwiro wakofya uwu umo ise tikukhalamo . . . Ndipo ine ndiri munthu wamantha, inendekha. Muhanyauno ine nangughanaghana kuchita chinyakhe, “Ndipo ine nkhuwenera waka kuti ndichichite ichi,” ndipo namachero ichi ndi mtunda mamiliyoni kutali na ine; chinthu chinyakhe chachitika ndipo chapanga *ichi* na *icho*. Ndipo imwe muli nayo nyengo, kuyezganga kuwika zeru zinu pamoza.

11 Kweni kupindula kwane kukuru chomene ndi kupharazaga Uthenga mu Mpingo, na kuchita chose icho ine ningamanya

kuti ndipereke ntchindi kwa Yesu Khristu mu zuŵa ili, apo ine ndiri pano pa charu chapasi, na nyengo iyo yanikhilirako ine pa charu chapasi. Ine nkhwiza kuzakayezga—kuzakayezga kuyowoya chinyakhe kwa imwe icho chingamanya kumovwirani imwe; chinyakhe. Ine nangukaŵerenga para nanguti ndaluta ku nyumba mlenji uno. “Kasi ine ndingayowoya chivichi usikuuno, Fumu, icho chingamanya kovwira ŵanthu aŵo?”

¹² Kutegherezanga ku uthenga ula wankhongono mlenji uno. . . uwo M'bale Neville wangutiyeghera ise, wakuti. . . Ine nangughanaghana kuti uwo wanguŵa uweme chomene, umo iyo wanguyowoyera kwenekula, “Dokotala wapenjerezenge icho chasuzga; kweni munthu uyo wakwiza na mbale yakuzura na ŵasindano, iyo wakupereka nyelete.” Ntheura ine nangughanaghana kuti ako kanguŵa nadi ka—ka kayowoyero kachoko kaweme. Ine nangughanaghana za icho, “mankhwala, para nthenda yamanyikwa.” Ntheura icho ndi chinthu chiweme chomene.

¹³ Ine nakhumbanga kuti ndiyowoye kwa imwe chinyakhe, kupereka chinyakhe kuti chirongosore kwa imwe za phangano la Chiuta mu muwiro uwu. Mukuwona? Chinyakhe, chinyakhe chara icho panji munthu munyakhe wanguŵamo mu zuŵa linyakhe, kweni chinyakhe. . . ndipo para. . . Vinthu ivyo vyose vili makora; ise tose tikuyowoya za vinthu ivyo. Kweni ine nangughanaghana ine ndiyezge kupereka chinyakhe ku malingaliro ghinu, na Malemba agha ine ndalemba apa, agho ghangamurongosolerani imwe, kuti mumanye, kumupangani imwe wankhondo muwemiko mu chigaŵa icho imwe mukulwera sono; kuti musambire maluso gha mulwani, mwakuti imwe mungamanya kujanda vyose pambere vindafike kwa imwe, wonani. Icho ndicho chinthu cheneko, ntchakuti imwe musambire kupewa e—e nkhonya kuleka kufika kwa imwe, umo imwe mungachitira.

¹⁴ Sono, tiyeni ise tiwone pa ichi chikuru. . . kwa maminiti ghachoko, likuru ili, zuŵa lakwananga ilo ise tikukhalamo sono. Ine nkugomezga chara kuti likaŵako zuŵa ilo ine ndiri kuŵerengapo mu mudauko. . . Ghakaŵako mazuŵa gha kuzikizgika kukuru, para ŵana ŵa Chiuta ŵakakomeka mu vigaŵa vyose. Kweni pakulaŵiska pa kupuruska kwa murwani, ise tindakhalepo na nyengo yangati iyo ise tikukhalamo sono. Ili ndakofya chomene, zuŵa lakupuruska. Ndipo para ine nkhuwona icho, chikwiziska ichi, kuti, Mukhristu wakwenera kuŵa pa makongono ghakhe chomene muhanyauno kuruska umo iyo wakaŵira mu muwiro unyakhe uliwose.

¹⁵ Sono, kunyuma mu mazuŵa ghakuzikizgika, kwa Rome, ku Mpingo; para Mukhristu wanangiska, wakanjiranga mu malo ghakuseŵereramo ndipo wakaperekekanga ku nkharimo, panji chinyakhe ngati icho, para iwo ŵamusanga iyo kuŵa Mukhristu chifukwa cha ukaboni wakhe. Kweni uzima

wakhe ukaponoskekanga, chifukwa iyo wakaŵa mutuŵa nkhanira, wakugomezga nkhanira mwa Chiuta, na chimwemwe wakadidimizga ukaboni wakhe na ndopa zakhe. Penepapo misempha yikadumukanga, panji makululu muthupi lakhe, ndipo ndopa zikafuma, iyo wakamanya kuchemerezga, na chipulikano chakugomezgeka nadi, na kunena kuti, “Pokererani mzimu wane, Fumu Yesu!”

¹⁶ Kweni, sono, uryarya wa satana sono, ukupangiska ŵanthu kugomezga kuti iwo Mbakhristu apo iwo ndiwo chara. Apo ndipo pali kanthu. Imwe mungadidimizganga chara... Iyi ndi—iyi ndi nyengo yauryarya ukuru chomene kuruska umo ili likamanya kuŵira, kuruska para imwe mukayenera kudididimizga winu—umoyo winu kutali na ukaboni winu. Satana wathya chipingo chirichose chauryarya icho iyo wangamanya kuchita, kuti... Iyo ndi mupuruski. Ndipo Yesu wakatiphalira ise, mu Mateyu 24, umo zuŵa ili lizamkuŵira mwenemumo ise tikukhalamo, zuŵa la chinyengo chomene leneilo lili kuŵako, “pafupi chomene mwakuti ŵangapuruska Ŵakusoreka ŵa Chiuta usange ichi chikaŵenge chamachitiko kuti iye wapuruske.”

¹⁷ Sono tiyeni ise tilinganizge Malemba ghanyakhe, panji mauchimi agho ghali kuyowoyeka mu Baibolo, kwa muhunyauno, ndipo tilinganizge ili na zuŵa ilo ise sono tikukhalamo.

¹⁸ Mu Timote Wachiŵiri 3, ise tikusambiramo ichi, kuti muprofeti wakayowoya, kuti, “Ichi chizamkufiskika mu mazuŵa agha, kuti ŵanthu ŵaŵenge ŵakajilangi, ŵakutukumuka, ŵakutemwa vyakusekereska kwakuruska kutemwa Chiuta.” Linganizgani ichi sono, panyengo yichoko waka. Ise tichitenge chara... Ise tiyowoyenge mwakudumula ichi, chifukwa ise tilije nyengo yinandi yakuti tilongosole ichi chose ngati ndiumo ise tikwenera kuti tichitorere ichi; kweni kuti tingweruskepo waka ichi, mwakuti imwe mungamanya kuwona para imwe mwafika ku nyumba na kusambira ichi. “Ŵakajilangi, ŵakutukumuka, ŵakutemwa vyakusekereska kwakuruska kutemwa Chiuta; ŵanonono, ŵakusesa, ŵambura kujikora, na ŵakunyoza ŵeneawo mbaweme.” “Sono Mzimu ukayowoya makoraghe kuti vinthu ivi vizamkuŵamo mu mazuŵa ghaumaliro.” Mazuŵa agho ndi agha, uchimi ukayowoya ku ichi.

¹⁹ Sono ise tikuŵerenga, panyakheso, mu Chivumbuzi... 14, Chivumbuzi 3:14, mphanyiko, Ekleziya la Muwiro wa Laodikeya, kuti umo mpingo uzamkuŵira mu muwiro waumaliro uwu. Ndipo uwu uzamkuŵa, Ilo likuti, “Uwu uzamkukhala ngati ndi chokolo chambura kusowera kalikose. Uwu—uwu ukaŵa usambazi, ndipo ukusambazgika mu katundu, ndipo ukamanya chara kuti uwu ukaŵa ukavu, wachitima, usokwano, wachibulumutira, ndipo wankhuli, ndipo ukamanya

chara ichi.” Sono, kumbukirani, Iyo wakuyowoya ku mpingo wa muwiro uwu, “usokwano, wachibulumutira, wankhuli, ndipo ukumanya chara ichi.” Makani gha kuumaliro, Lizgu la umaliro ilo, ndilo likupangiska ichi kuŵa chakukondwereska chomene. Iwo ŵakughanaghana kuti mbakuzuzgika makora na Mzimu, iwo wose mbakunozgeka. Mpingo wa Muwiro wa Laodikeya ndi Mpingo wa Muwiro wa Pentekoste, chifukwa uwu ndi mpingo wa muwiro waumaliro. Luther wakaŵa nawo uthenga wakhe; Wesley wakaŵa nawo uthenga wakhe; ndipo ŵa Pentekoste ŵakaŵa nawo uthenga wawo.

²⁰ Kweniso, Ilo likati, kuti, “Chifukwa iwe uli wakufunda, uli wakuthukira nesi wakuzizima chara,” vyakuchitika vya kuwaro, kumanya Uthenga kwa mu mutu; “chifukwa,” Iyo wakati, “iwe ndimo uliri, Ine ndikuwukurenge kufuma mu mlomo Wane.” Mukayowoyero kanyakhe, ichi chikamupangiska Iyo kuseruka pakuwona mpingo mu kaŵiro kala.

²¹ Ndipo, kumbukirani, iwo ŵakamuwukilira kuwaro Iyo; ndipo Iyo wakaŵa kuwaro kwa mpingo, kuyezganga kuwereraso mkati, mu wakofya ula Muwiro wa Mpingo wa Laodikeya.

²² Chiuta wa charu ichi muhanyauno, munthu wakusopeka wa charu ichi muhanyauno, ndi Satana. Ndipo ŵanthu ŵakumanya chara kuti iwo ŵakumsopa Satana, kweni ndi Satana wakujijezgerera iyoyekha ngati ndi mpingo, wonani, ngati ndi mpingo. Iwo ŵakumsopa Satana, kughanaghana kuti iwo ŵakumsopa Chiuta kwizira mu mpingo, kweni iyi ndi nthowa iyo Satana wachitira ichi.

“O,” imwe mukuti, “kweni lindizgani miniti yimoza; ise tikupharazga Mazgu.”

²³ Laŵiskani kunyuma kuno pa makani ghane, usikuuno. Satana ndiyo wakapharazga Mazgu kwa Eva, pakudanga, “Chiuta wayowoya,” wonani.

²⁴ Uku nkhutondeka kupulikiska makora chigaŵa cha Malemba icho chikuphara ku zuŵa ili. Iyo wamuzomerezganinge imwe kumanya vyose ivyo Yesu wakachita vikaŵa viweme nkhanira. Iyo wamuzomerezganinge imwe kumanya vyose ivyo Moses wakachita vikaŵa viweme nkhanira. Kweni imwe para mukutola mapangano agho Igho ghakaperekeka gha nyengo iyi, mbwenu Igho ghakapimikira ku muwiro unyakhe. Ichi ndicho iyo wakwenera kuchita, wonani, kuŵatola ŵanthu kuti iwo ŵagomezge Ichi mu nthowa iyo, ndipo icho—icho mbwenu kwamara. Pakuti, “Imwe mungawuskako chara Lizgu limoza kufuma ku Ichi, panji kusazgako Lizgu limoza kwa Ilo.” Kweni ichi ndicho iyo wakuchita.

²⁵ Ŵanthu, kwambura kumanya ŵakumsopa Satana, kughanaghana kuti iwo ŵakumsopa Chiuta; umo ise tiri kuchenjezgekera na uchimi, mu Ŵatesolonika Ŵachiŵiri. Kutu, tiyeni ise tiŵerenge waka icho, Ŵatesalonika Wachiŵiri,

chipatulo 2. Tiyeni ise tisangepo waka danga sono, usange ine ningasangapo, sono nthena. Ine ningatemwa kuti ndiwerenge ichi. Umo, ine nkugomezgera, Watesalonika Wachiwiri. Ine ndalisanga Lemba apa. Mu Wachiwiri . . .

Sono ise tikumuweyani imwe, wabale, na za kwiza kwa Fumu Yesu . . . na pa kongana pamoza kwa iyo,

²⁶ Sono, wonani, “kwiza kwa Fumu, na kongana kwa Iyo,” umo Chiuta wazamkuwunganyira wanthu Wakhe kwa Iyo mu mazuwa ghaumaliro. “Kongana kwa wanthu kwa Fumu,” ku mpingo chara, “kwa Fumu; kongana pamoza kwa Iyo.”

Kuti imwe muleke kutimbanizgika maghanoghano ghinu luwiro, panji . . . kukweweka—kukweweka, panji na mzimu, nesi . . . mazgu, nesi na kalata yakuwa ngati yafuma kwa ise, ngati . . . zuwa la Fumu liri pafupi.

Pa wavye munthu wamupusikani imwe mukachitiro kalikose: pakuti zuwa lira litizenge chara, kwambura kuti kuchizuka kwize danga, ndipo munthu yura wakwananga (“munthu wakwananga,” wonani icho iyo wali sono), munthu wakwananga wavumbukwe, mwana wapharanyiko, (yura waka wa Yudas, wonani);

Mweneuyo wakususka ndipo wakujikwezga yekha pachanya pa chose icho chikuchemeka Chiuta, panji icho chikusopeka; ntheura mwakuti iyo ngati ndi Chiuta wakukhala mu tempile la Chiuta, kujiwoneskera ijomwene kuti iyo ndi Chiuta.

²⁷ Kunyengeka kwenekula kwa mpingo wa muhanyauno! Wonani, “mwana wa pharanyiko,” chiwanda. “Mwana wa pharanyiko,” chiwanda. Ntheura, wanthu wakumsopa Satana mu nyengo iyi, kughanaghana kuti iwo wakumsopa Chiuta. Kweni iwo wakumsopa iyo kwizira mu chisambizgo, mabungwe ghakupangika na—wanthu na visambizgo ivyo vya watorera wanthu pasi nkhanira ku chinyengo chikuru chomene icho charu chindachimanyepo. Kwali Mazgu gha Chiuta ghakupangana kuchita chinthu uli mu nyengo iyi, ghakupharazgika na kukhozgeka, ndipouli iwo waghagomezgenge chara Igho. Iwo waghagomezgenge chara Igho.

²⁸ Ntheura ntchifukwa uli? Ise tikuzizwa ntchifukwa uli. Chikutondekerachi ichi; ntchifukwa wuli iwo waghagomezgenge chara Igho? Para Chiuta wakayowoya kuti Iyo wachitenge chinthu chinyakhe, ndipo Iyo wakuchita ichi, ndipouli iwo wakulazgako msana kwa ichi na kuzgokera kumphepete kwa ichi. Ngati ndiumo Eva wakamanyira kuti icho Chiuta wayowoya, Chiuta wakumanya kuchita; kweni iyo wakarazgako msana ku ichi, kuti wapulikizge ku icho iyo wakati wayowoyenge.

²⁹ Kumbukirani waka, mu miwiro yinyakhe, nyengo yose chakhala kuwa chimozimozi. Mu muwiro uliwise, ichi nyengo

zose waŵanga Satana kuyezganga kutimbanizga Mazgu ghara kwa iwo, kuŵapangiska iwo kuti ŵalaŵiske muwiro unyakhe.

³⁰ Wonani, para Yesu wakati wiza, wonani, Satana wakaŵa mu gulu la ŵasambizgi ŵa chiYuda, na ŵarabi na ŵasofi, kuyezganga kuŵaphalira iwo kuti ŵasungirire dango la Moses, apo Lizgu lenelira likayowoya kuti mu zuŵa lenelira Mwana wa munthu wamkuvumbukwa, wonani, kuti Iyo wazamkujivumbula Iyoyekha. Ntheura iwo ŵakayezganga, malingana iwo ŵakalutiriranga mu usopisopi, na mu dango la Moses. Mukuwona icho iyo wakachita? Iyo wakayezganga kuŵaphalira iwo, “Gawo lira la Mazgu liri makora waka, kweni Munthu uyu ndi Munthu yura chara.” Wonani umo iyo waliri wakunyenga? Ilo ndilo zuŵa leneko la chinyengo.

³¹ Ichi chikaŵako, ndipo sono chiriko, Satana wakukhazikiska ufumu wakhe mu charu. Ichi ndicho chifukwa iyo wakuchitira ichi, pakuti iyo wakukhumba kukhazikiska ufumu wakhe.

³² Ngati ndi munthu wamalonda, uyo ndi Mukhristu chara, iyo wachitenge uryarya wakhe wose kumupangiskani imwe kuti muwone chinyakhe munthowa yihe. Usange iyo wali na chi—chi chirato na kupindula kwa iyomwene pakumupangiskani imwe kuchita icho, kumupangiskani imwe kuwona ichi munthowa iyo, iyo wangamanya kumurongorani imwe chirichose iyo wangakhumba, na kumukhalikani imwe kutali na unesko wa ichi, chifukwa iyo wali na mtima wakujighanaghanira yekha. Kwali iyo wangateta na kupusika uli, na vinyakhe vinandi, iyo wali na mtima wakujiipindulira yekha.

³³ Ndipo ndicho chifukwa Satana wali kuchitira ichi. Ndipo iyo wachitira mu utumiki kuti wachite ichi, umo Chiuta wakalayizgira iyo wazamkuchitira. Sono, iyo wakayamba na chinyengo cha usopisopi mu Eden, ndipo iyo walikulutirira kuyambira papo kale.

³⁴ Pakuchita kuyambiska gulu la chikomunist chara. Chikomunist chilije kanthu kakuchita na ichi. Ndi mpingo, uko imwe mukwenera kuti mulaŵiskenge, wonani. Ichi nthā—ichi nthā ntchikomunist icho chingamanya kupuruska Ŵakusoreka. Ndi mpingo uwo uzamkupuruska iwo Ŵakusoreka, wonani. Kutu ndi chikomunist chara; Ise tikumanya iwo ŵakumukana Chiuta, ndipo iwo mbachikanakhristu, enya ndimo ŵaliri, mu machitiro, kweni iwo ndiwo *mbachikanakhristu* chara. Chikanakhristu ndi msopisopi, msopisopi chomene, ndipo wangamanya kuwerezgapo Malemba, na kughapanga Igho kuwoneka pakweru nkhanira.

³⁵ Ngati ndiumo Satana wakachitira kale mu mtendeko, iyo wakawerezgapo chirichose makoraghene, “Chiuta wayowoya kuti, ‘Imwe mungaryanga chara khuni liriloŵe la mu munda.’” Wonani, wakughawerezga Igho makoraghene.

36 Iyo wakati, “Enya, ise tingamanya kurya vya khuni lirilose la mu munda, kweni pali khuni pakati pa munda ilo Chiuta wakati tingaryanga chara, pakuti, nanga nk hulikhwaska ilo; chifukwa, zuwa ilo ise tizamkuchitira, zuwa lenelilo ise tizamkufwa.”

37 Iyo wakati, “O, nadi imwe mufwenge chara. Kweni lekani ine ndimuphalireni imwe chifukwa icho Chiuta wakayowoyera ichi, ntchifukwa chakuti. . .” Mukuwona, iyo sono vichi? Iyo wakawerezgapo Unenesko uwu, mukuwona imwe. Iyo wakati, “Ichi chijurenge maso ghinu, ndipo ichi chimupangiskani imwe kumanya uweme na uheni. Imwe muwenge ngati ndi Chiuta, usange mungachita ichi.”

38 Ichi ndicho waka iyo wakukhumba kuti wachite, ndipo ichi ndicho waka chimozi iyo wakuyezga kuti wachite muhanyauno. Chikaŵako chisopo cha chinyengo kufumira mu mtendeko nkhanira wa Eden, ndipo chakhala chikuŵako kufuma papokale. Mu nyengo ya Adam, ichi chikaŵa chinyengo. Mu nyengo ya Nowa, ichi chikaŵa chinyengo. Mu nyengo ya Yesu, vikaŵa chimozi. Ndipo sono ndi chimozi, nthowa yenyira pera, chinyengo cha usopisopi!

39 Sono, ise tichiwonenge charu, para ichi chikaŵa pasi paulamuliro wa Chiuta. Sono, para Chiuta wakachilamuriranga ichi. . . chikaŵa pasi paulamuliro Wakhe. Ntheura para Satana wakati watora ulamuliro, pakuchita kukana Mazgu gha Chiuta. Chiuta panyengo yimoza charu chikaŵa pasi pa ulamuliro Wakhe. Iyo wakachiŵika ichi mu nthowa yakhe. Iyo wakachiŵika ichi, kuchipanga ichi kuzungulira. Iyo wakachita chirichose, chikaŵa pasi pa ulamuliro Wakhe. Sono ise tilinganizgenge icho na apo Satana wakati watora ichi kuŵa pasi pa ulamuliro wakhe.

40 Sono, ichi chikamtolera Chiuta virimika vikwi vinkhonde na chimoza. Ichi chikamtolera Iyo nyengo yitali yantheura chara, kweni Iyo wakatora nyengo yitali yantheura. Virimika vikwi vinkhonde na chimoza, chifukwa ise tiri kusambazgika kuti “zuwa limoza Kuchanya ndi virimika chikwi chimoza pa charu cha pasi,” ndipo vikaŵa virimika vikwi vinkhonde na chimoza, panji mazuŵa ghankhonde na limoza agho Chiuta wakalengera charu. Sono, ichi chikamutorera Chiuta virimika vikwi vinkhonde na chimoza kuti wakhazikiske ichi, kupandamo mbewu ziweme na kupambika chirichose kwakulingana na mtundu wakhe. Chirichose chikwenera kumera kwakulingana na mtundu wakhe. Ndipo mbewu Zakhe zose zikaŵa ziweme, ndipo ntheura yiriyose yikwenera kupambika kwakulingana na mtundu wakhe. Chiuta wakatora virimika vikwi vinkhonde na chimoza.

41 Paumaliro, para Iyo wakati wamalizga kuchipanga ichi, ndipo paumaliro ise. . . paumaliro wakiza na hedikota yakhe, ya charu cha pasi, mu kawonekero kakutowa kukhala kuvuma kwa

Eden, kuchemeka munda wa Eden. Chiuta wakapanga hedikota ya charu chose mu munda wa Eden, mu Egipto, nkhanira ku umaliro kweneko kuvuma kwa munda ndiko kukaŵa hedikota.

⁴² Ndipo pachanya pa chirichose, Iyo wakaŵikamo mwana Wakhe mwanarumi na muwoli wa mwana Wakhe, kulamuliranga chose ichi. Uwo mbunenesko. Ichi ndicho Chiuta wakachita. Iyo wakaŵapa mazaza ghoſe ghakulamulira. Iwo ŵakamanyanga kuyowoya ku mphepo, ndipo iyi yikalekanga kuputa. Iwo ŵakamanyanga kuyowoya ku khuni, ndipo ilo likamanyanga kusezgeka kufuma *apa* kuluta *apo*.

⁴³ Nkharamo na mphumphi vikaryeranga pamoza, ndipo mberere yikagonanga pasi pamoza na ivyo. Kula kukaŵavye uheni. Uku kukaŵa mtende weneko, chitemwa cheneko, chirichose makoraghene, ndipo para Chiuta wakaŵa na ichi pasi pa ulamuliro Wakhe. Ndipo wonani, Iyo wakaŵa nacho Chakhe. . . Iyo wakaŵa nacho charu Chakhe, Iyo wakaŵa navyo vyose mu dongosolo. Iyo wakaŵa nacho chirichose chikizanga. Chirichose chikaryanga vyakumera; pakaŵavye chakuti chingafwa, pakaŵavye chakuti chingabwangandulika, pakaŵavye chakuti chinganangika. Pakaŵavye . . . Vyose vikaŵa makora waka.

⁴⁴ Ndipo pachanya pa vyose ivi, Iyo wakaŵikapo ŵana Ŵakhe ŵakutemweka, mwana Wakhe mwanarumi na mwana Wakhe mwanakazi, mufumu na muwoli, kuti ŵalamulirenge ichi.

⁴⁵ Chiuta wakakhorwa nkhanira! “Ndipo Iyo wakapumura ku milimo Yakhe yose, pa zuŵa la chinkhonde na chiŵiri,” ndipo wakalipatula zuŵa ili la chinkhonde na-chiŵiri kuŵa sabata kwa Iyo.

⁴⁶ Chifukwa, Chiuta wakachilaŵiskaso chose ichi, para Iyo wakati wakhala virimika vikwi vinkhonde na chimoza kuchiwumba ichi na kuchikhazika ichi, kuchipanga ichi kuti chiŵeko; ndipo wakakhazika mapiri, ndipo wakapanga mavolcano kukankhira mapiri muchanya, na vinthu ivyo vikachitika mu vyakuphulika; wakachiwomizga ichi, na kuchiŵika ichi umo Iyo wakakhumbira. Ndipo agha ghakaŵa malo ghakutowa.

⁴⁷ Pakaŵavye chinyakhe chakuyana na ichi, maparadiso ghakuru gha Chiuta! Ndipo vyakukhwaŵa vikuruvikuru, na vinyakhe vinandi, kukhwaŵanga mu ichi, na nyama zikuruzikuru; pakaŵavye kupwetekana pakati pa ivyo. Ivyo vikaŵa waka vyakufwasa ngati ndi kamwana kachona. Ivyo vikaŵavye chirichose; chara—kukaŵavye matenda, kukaŵavye chitima; kukaŵavye chakuyambiska chimoza cha matenda pa charu chapasi. O, malo uli!

⁴⁸ Viyuni vikuruvikuru kudukanga kufuma khuni ili kuluta khuni ilo, ndipo Adam wakavichemanga ivyo mazina, ndipo ivyo

vikadukanga muchanya pa mapewa ghakhe na—na—na kulira kwa iyo. Ndipo, o, malo ghakuziziswa uli Chiuta wakaŵa nagho!

⁴⁹ Ndipo nthaura wakapanga chimoza cha ukhaliro Wakhe kufumira ku Thupi Lakhe. Chiuta wali nawo maukhaliro mu Thupi Lakhe.

⁵⁰ Mwachiyerezgero, imwe ndimwe ukhaliro wa dada winu. Ndipo, imwe wonani, imwe mukaŵa mu ŵagogo ŵinu ŵagogo ŵagogo. Kweni, mwa icho, mwachiyerezgero, ise tichitorenge ichi kuyerezgera imwe na ŵadada ŵinu. Sono, imwe mukamanya kalikose chara apo imwe mukaŵa mu ŵadada ŵinu. Mbewu ya umoyo yikufumira ku mwanarumi. Mwanarumi ndiyo wali na ndopa ya umoyo; mwanakazi wali na—na sumbi; sono, ipo, mbewu ya mu ndopa yiri na umoyo mwa iyo. Ndipo, nthaura, para imwe mukaŵa mu ŵadada ŵinu, palije icho imwe mukamanyanga za ichi. Kweni, ndipouli, sayansi na Mazgu gha Chiuta vikukhozgera kuti imwe mukaŵa mu ŵadada ŵinu, kweni imwe mukamanya kanthu chara za ichi.

⁵¹ Kweni nthaura dada wakakhumbanga kuti wamumanyani imwe. Ndipo pakugumatizgana na mama, mbwenu imwe mukamanyikwa kwa dada. Sono, imwe ndimwe ukhaliro wa dada winu. Imwe mukuwoneka ngati ndiyo, ndipo imwe muli navyo viŵaro vya thupi linu ivyo vikuyana waka na vya dada winu.

⁵² Sono, umo ndimo Chiuta wakaŵira mu mtendeko. Mwana mwanarumi waliyose wa Chiuta na mwana mwanakazi waliyose wa Chiuta wakaŵa mwa Chiuta mu mtendeko. Imwe mukuchikumbukira chara ichi sono, kweni imwe mukaŵako kula. Iyo wakachimanya ichi. Ndipo Iyo wakakhumbanga kuti imwe muzgoke mwantheura kuti Iyo wangamanya kumukhwaskani imwe, kuyowoyeskana na imwe na kumutemwani imwe, na kukorana namwe manja.

⁵³ Kasi imwe mukukhumba chara msepuka winu. . . Kasi ndi zuŵa likulu chara para msepuka winu wangamanya kwiza kukaya na kukhala na imwe pa thebulo? Para iyo wakuwerako ku malo ghankhondo, panji ku chinyakhe, wakuzura na mantha; umo imwe munganozgera chakurya chapachanya; imwe mukukoma mwana wa ng'ombe wakatutuŵa, kwali ndi vinthu uli vinandi, na kumunozgera iyo! Iyo ndi munofu winu na ndopa zinu, ndipo iyo wakaŵa mwa imwe. Imwe mukamumanya chara iyo pa nyengo yira, kweni imwe mukamanya iyo wakaŵako.

⁵⁴ Ndipo nthaura Chiuta wakamanya kuti ise tizamkuŵa kuno, kweni Iyo wakatiŵika ise mu thupi mwakuti ise timanye kukhwaskika. Mwakuti Iyo wangamanya kukhwaskika, Iyo wakazgoka yumoza wa ise para Iyo wakazgoka Yesu Khristu, Mwana wa Chiuta Iyoyekha, uzali wa mawonekero gha Chiuta. Ipo chira chikaŵa chirato cha Chiuta, kuti wawoneske maukhaliro Ghakhe mu wenenawene.

55 Para ine nkhaŵa mu ŵadada ŵane, ine nkhamanya kalikose chara za ichi. Kweni para ine nkhati ndazgoka mwana wawo ndipo nkhababika na iwo, ine nk hazgoka ukhaliro wa iwo, chigaŵa cha ŵadada ŵane. Ndipo imwe ndimwe chigaŵa cha ŵadada ŵinu.

56 Ndipo ngati mbana ŵa Chiuta, ise tiri chigaŵa cha ukhaliro wa Chiuta uwo ukaŵa mwa Iyo, tikazgoka thupi ngati ndiumo Iyo wakazgokera thupi, mwakuti ise tingamanya kuŵa na wenenawene yumoza na munyakhe, ngati ndi banja la Chiuta pa charu cha pasi. Ndipo ichi ndicho chikaŵa chirato cha Chiuta mu mtendeko. Enya, bwana. Ichi ndicho Chiuta wakakhumbanga mu mtendeko.

57 Iyo wakaŵa na chirichose pasi pa ulamuliro. Ndipo Iyo wakaŵika munthu mu munda wa Eden, kwambura kukakamizga; wakati, “Wamwana, ichi ntchako.”

58 Malo ghakutowa uli! Chiuta wakakhorwa nkhanira, mpaka Iyo wakaluta waka na kuyakapumura ku milimo Yakhe yose. Khuni lirilose likapambika minga nesi mitunguja chara. Pakaŵavye vipaso vyakunowa vikapambika mu khuni la minga. Chirichose chikaŵa makoraghene. Mbewu zose zikaŵa makora. Chirichose chikaŵa mu kaŵiro kaweme.

59 Ntheura para Iyo wakati waruta kuyakapumura pachoko, murwani Wakhe wakagwegwetekera mukati na chinyengo, ndipo wakatora ulamuliro wa ichi, pakuchita kutanthauzira mu uheni ndondomeko Yakhe ku ŵana Wakhe. Para, Iyo wakaŵika chigomezgo pa Mwana Wakhe Yekha; ngati ndiumo imwe mukuŵikira chigomezgo chinu pa mwana winu mwanakazi para iyo wakwenda na mnyamata usiku; para imwe mukuŵika chigomezgo chinu pa mwana winu mwanarumi para iyo wati wayendenge na mnyamata wakumwa moŵa panji mnyamata wakusuta. Wonani, Iyo wakuŵika chigomezgo pa mwana Wakhe, kuti iyo wangamanya kuchita chirichose chiheni chara, ndipo iyo wangamanya kusungirira Mazgu ghose agho Iyo wakayowoya. Kweni murwani wakagwegwetekeramo; ngati ndi munthu muryarya yura uyo wangamaya kumutora mwana winu mwanakazi na kukachita nayo vyaukazuzi; panyakhe—panyakhe mwanakazi munyakhe wangamaya kumutora, kuruta kuwaro na mwana winu msepuka, ndipo chinthu chimozimozi. Wonani, iyo wakagwegwetekeramo. Murwani wa Chiuta wakagwegwetekera mukati ndipo wakatanthauzira mu uheni Mazgu kwa Eva.

60 Sono, iyo, na kuwa uku, ichi chatora ulamuliro na kupoka munda wa Eden, iyoyekha. Iyo wakatora ulamuliro. Ndipo sono iyo walamurira mwachinyengo virimika vikwi vinkhonde na chimoza; kupurusikanga ŵanthu, ŵana ŵa Chiuta, ngati ndiumo iyo wakachitira kale. Chifukwa, iwo ŵakakhazikika pa kuchita kwambura kuchichizgika, kuchita mu nthowa yiriyose iyo iwo

ŵakakhumbanga. Ndipo kugomezganga kuti iwo ŵatichitenge makora, panji kugomezganga iwo ŵachitenge makora, ntheura iwo ŵafika na kachitiro kaheni, ndipo ŵagulisika uŵere wawo, ngati ndiumo Esau wakachitira, chifukwa cha vya charu. Ndipo Satana wakatora ichi, ndipo iyo wakatora ulamuliro. Ndipo iyo wakatora virimika vikwi vinkhonde na chimoza kuti wazenge Eden wakhe, ngati ndiumo Chiuta wakatorera virimika vikwi vinkhonde na chimoza kuti watorere Eden Wakhe kufika ku umaliro. Ndipo mwa chinyengo, chinyengo cha Mazgu, panji ŵanthu, sono iyo wakakhazikiska Eden wakhe mu charu ichi, mu kwananga.

⁶¹ Eden wa Chiuta wakakhazikiskika mu urunji. Eden wa Satana wakhazikiskika mu kwananga, chifukwa Satana ndi kwananga. Chiuta ngwaurunji, ndipo ufumu wa Chiuta ukakhazikiskika mu urunji, na mtende, na Umoyo. Ndipo kukhazikiskika kwa Satana kuli mu kwananga, ndipo, kwananga kwa usopisopi.

⁶² Wonani umo iyo wakanyengera, chinyengo chakhe, ngati ndiumo iyo wakati wachitirenge. Iyo wakapangana kuti wachitenge ichi. Kasi walipo munyakhe wakachimanyanga icho? Tiyeni ise tijure kwa Yesaya, usange imwe mukughakhumba Malemba ghanyakhe agha. Usange imwe... Ine nkhusachizga. Tiyeni ise tijure kwa Yesaya chipaturo 14, nyengo yichoko waka, ndipo tiwone waka icho Satana wakayowoya apa, nyengo yichoko waka. Mu Yesaya 14, ise tiŵerengenge ichi, ndipo tiwone icho munthu uyu wakachita. Yesaya 14, kuyambira na vesi 12.

Wasoromoka uli iwe kuchanya, O Nthanda, mwana wa mlenji! kasi iwe waponyekera uli pasi, iwe ukathiska lusoko mitundu!

Pakuti iwe ukati mu mtima wako, ine ndikwerere kuchanya, ine ndikwezge chizumbe chane pachanya pa nyenyezi (aŵo ndi ŵana), nyenyezi za Chiuta: ndipo ine nane tindikhale pachanya pa lupiri lwa maungano, . . . ku mpherekezo za kumpoto:

Ndipo ine tindikwere pachanya pa mabingu; ndipo ine ndijikozganiske na Wapachanya chomene.

⁶³ Sono linganizgani icho kudera kuno na Malemba ghanyakhe ghithu kudera ku Ŵatesalonika, kale pachoko, umo iyo wakayowoyera, “Iyo wakukhala mu temple la Chiuta, wakujikwezganga iyoyekha pachanya pa chose icho chikuchemeka Chiuta, mwakuti iyo nga ndi Chiuta wakusopeka ngati ndi Chiuta pa charu chapasi.”

⁶⁴ Waliko chiuta wa charu ichi uyo ine nkapharazga kwa imwe za iyo Sabata yamara. Apa iyo waliko muhanyauno mu kunyenga, nyengo ya chinyengo yira, nyengo yiweme yira iyo ise

tikukhalamo. Iyi ndi nyengo yauchindami chomene pa miwiro yose, chifukwa ise tarazga ku nyengo yikuru ya Mileniyamu; ise tarazgaso ku Eden. Kweni nkhanira mu muwiro uwu, kunyenga kose na uryarya uliwose uwo iyo wakagwiriska ntchito ndipo wakamanya kunyengera na uwu, iyo waunjika vyose pamoza na kujipa nkhongono iyoyekha; na kwikha ngati ndi Chiuta, ndipo wajiŵika iyoyekha m'malo gha Chiuta; msopisopi, ndipo wangamanya kuwerezgapo Lemba ndipo wangamanya kumuphalirani imwe Lemba, ngati ndiumo Satana wakachitira kwa Eva mu munda wa Eden. Kweni kulekako chigaŵa chimoza cha Ili, ndicho iyo wakuchita, kupanga chipata chira, penepapo chisambizgo chakukoma cha satana chingamanya kunjiririra, ngati ndi Sefa ya munthu wakughanaghana iyo ise tikayowoyangapo usiku unyakhe.

⁶⁵ Sono, iyo wakati iyo wajikwezgenge iyoyekha kuruska Chikurukuru; iyo wangamanya kukwerera muchanya kujumpha mabingu na nyenyezi, ndipo iyo wangamanya kukhala penepapo ngati ndi Chiuta, na kuŵa pachanya pa Chikurukuru. Ndipo Iyo wakafiska pakuchita vyakofya vyakhe. Iyo nadi wakafiksa makora pakuchita vyakofya vyakhe, kwizira mu ŵanthu kumuzomerezga iyo kuyirongosora munthowa yinyakhe, mu muwiro uliwose, kuzirwa kwa Mazgu ghangangano gha Chiuta ku muwiro ula. Icho ndi ndendende umo iyo wachitira ichi. Mu muwiro uliwose, iyo wakaghalongosora Ighe munthowa yinyakhe.

⁶⁶ Mu mazuŵa gha Nowa, iyo wakarongosora kuti ichi chikaŵa chambura machitiko kuti vura yingamanya kurokwa, pakuti, “kuliye vura kuchanya kula.” Uthenga wakhe ukuru wa sayansi uwo iyo wakapharazga mu munda wa Eden! Iyo wakamanya kuponya zida ku mwezi na kupanikizga kuti kukaŵavaye chinyezi kuchanya kula. Kweni Chiuta wakanena kuti vura yizamkwiza. Kweni Satana wakatonda, ndipo wakakoma malingaliro gha ŵanthu, kwizira mu kafukufuku wa sayansi, kuti, “ichi chikamanya kuchitika chara.” Kweni ichi chikachitika. Chiuta wakati ichi chichitikenge, ndipo ichi chikachitika. Iyo wakachita.

⁶⁷ Sono, mu mazuŵa gha—gha Yesu, iyo wakachita chinthu chimozimozi. Iyo wakakomaso malingaliro ghawo na chinyengo, wonani, kutimbanizga Mazgu. “Usange Iwe ndiwe Mwana wa Chiuta, sono ndikuwone Iwe ukuchita chinyakhe za ichi.”

⁶⁸ Yesu wakapanga nthabwara chara na Iyo. Iyo wakachita chara. Chiuta ngwanthabwara chara. Iyo wakuyenera kuzgora chara chirichose icho Satana wakufumba. Iyo wakaŵa na... Yesu wakati, “Kuli kulembeka, ‘Iwe ukharengi chara na... Munthu wakharengi na umoyo na chingwa pera chara, kweni na Mazgu ghose agho ghakufuma mu mlomo wa Chiuta.’” Wonani, Iyo wakayenera kuchita nthabwara chara, kwa iyo. Iyo wakayenera kupanga chingwa chara. Iyo nthena wakachita

ichi, kweni Iyo nthena wa-wakategherezanga kwa chiwanda, ntheura Iyo wakayenera kutegherezga kwa chiwanda chara.

⁶⁹ Ndiposo uku ndi kwananga kwausopisopi, umo mukaŵira mu mtendeko, mwakunyenga chomene. Wonani ichi sono. Uku ndi kwananga waka kwakale chara kwa zuŵa lirilose, kupanganga vigoloro na kuloŵera, na kugwiriskanga ntchito Zina la Chiuta pawaka. Icho ndicho chara. Chara.

⁷⁰ Imwe mukukumbukira virimika vyajumpha, ŵanandi ŵa imwe muno, ŵanyengo zakale, mukukumbukira uthenga ula ine nkapharazga, pa, *Vyakukhumudwiska Pa Cheruzgo*. Muzaghali, iyo wamkukhumudwa chara kula. Iyo wakumanya uko iyo wakuluta. Muloŵevu wamkukhumudwa chara kula. Wakuguliska mowa, wanjuga, mutesi, munkhungu, iyo wamkukhumudwa chara kula. Kweni, munthu yura mweneuyo wakughanaghana kuti iyo wali makora, apo pali kukhumudwa.

⁷¹ Uyo ndi munthu mweneuyo, mwachiyerezgero, wamkwiza nakuti, “Fumu, kasi ine nindapharazge Uthenga, kasi ine nindafumiske viwanda, mu Zina Linu?”

⁷² Yesu wakati, “Fumaniko kwa iwe...kwa Ine, imwe mukuchita uheni. Ine nkhamumanyani chara imwe.” Apo pali kukhumudwa, wonani, icho ntchinyengo.

⁷³ Ichi ndicho ine nyengozose . . . apa ndipo ine nkhopulikiskika chara. Ndikokuti ine nkukhumba kuŵa wapadera chara. Ine nkukhumba chara kuŵa wapadera, kweni ine nkhuenera kuŵa wamagomekezgeko. Ine ndiri na Uthenga, ndipo Uwu ukwenera kuti urute ku ŵanthu. Chikundipangiska ine kuŵa wambura kupulikiskika chomene pakati pa ŵanthu. Iwo ŵakughanaghana ine nkulimbana na waliyose. Iwo ŵakamanyenge, ine ndili wa waliyose, ndipo nkhuvezgesa chomene kupereka kwa iwo icho ndi Unenesko, ngati ndiumo uwu waŵikikira pa mtima wane na umo uwu waŵikikira mu Baibolo umu. Ndipo Chiuta wakukhozgera uwu kuti ndi Unenesko, ntheura kulije chinyakheso icho chingamanya kuchitika za ichi. Ntheura, iwo ŵalawisike pa Uwu, panyakhe iwo ŵaleke.

⁷⁴ Wonani, iwo ŵakukhumba chara kuuwona Uwu, chifukwa iwo ŵaguliska kale, ŵaguliska uŵere wawo ku bungwe linyakhe, mpingo unyakhe; kuyezga mauŵere ghawo, kuti ŵakafike Kuchanya pakuchita kukhazikika pa chisopo chinyakhe cha bungwe, cheneicho Satana ndi mulara wa chirichose ichi. Chiuta wakaŵapo nacho chara chisopo cha bungwe, wakachita chara. Ndipo iwo ŵakuchimbirira ku icho, kwenekuko iwo, gulu la ŵanthu, likutanthauzira Mazgu na kunena kuti Ili likun’ganamura *ichi* ndipo Ili likung’anamura *icho*.

⁷⁵ Chiuta wakukhumba wakanthauzira chara. Iyo wakuchita kutanthauzira Kwakhe Yekha. Iyo wakukhumba munyakhe chara kumuphalira umo Iyo wangachitira ichi. Iyo ngwakuyima

payekha. Iyo wakayowoya umo Iyo wakamanya kuchitira ichi, ndipo iyi ndiyo nthowa Iyo wakwenera kusungira Mazgu Ghakhe. Para Iyo wakati, “Vimanyikwiro ivi viwârondezgenge weneawo wakupulikana,” Iyo wakang’anamuranga waka chenchira. Chirichose icho Iyo wakayowoya chichitikenge, Iyo wakayowoya ichi chingamanya kuchitika mu mazuwa agha ghaumaliro, kuti Iyo wangamanya kuchita vinthu vinyakhe, ndipo Iyo wachita ichi. Iyo wakwenera kufumba munyakhe chara kwali nyengo yakwana panji chara. Iyo wakumanya kasi nyengo yiri vichi, na icho ndondomeko yiri.

⁷⁶ Sono, Satana, mpusikizgi uyu, umo chayowokera na Mateyu 24:24, na chinyengo chinandi chantheura. Sono, ise tikusanga kuti na ndondomeko izi za uthenga wakumanya, masambiro ghawemiko, machitiro ghapachanyako, chitukuko, na vinyakhe nthaura, vyarowa wanthu awo wakukhumba kumutewetera Chiuta, mu kugomezga utesi wakhe.

⁷⁷ Eva wakakhumba chara kuchita chira, kweni iyo wakamrongora iyo umo vinjeru vikaŵira vinandi mu ichi. Iyo wakamanya chara; iyo wakakhumbanga kumanya. Iyo wakupulikiska chara, kweni iyo wakakhumbanga kupulikiska. Ndipo Chiuta wakamuphalira iyo kuti waleke kuyezga kuchipulikiska ichi.

⁷⁸ Kasi ine ndingapulikiska uli chinyakhe cha vinthu ivi? Ine ningavipulikiska chara ivi. Ine nkhuvigomezga ivyo. Ine nkhuvenera kuvipulikiska chara. Chiuta ndi chipulikano, ndi kapulikikiro chara. Ise tikugomezga waka ivyo Iyo wakayowoya.

⁷⁹ Sono, linganizgani Eden wa Chiuta na wa Satana sono, pakati pajumpha virimika vikwi vinkhonde na chimoza vyakutimbanizga vya katanthauziro kaunenesko ka Mazgu ghakulayizgika gha Chiuta ku muwiro. Tiyeni ise tilinganizge ichi sono, ndipo tiwone apo ise tifikenge. Ngati ndiumo iyo wakachitira ku mpingo mu—mu nyengo ya Khristu, mwa Yesu, kuyezga kuwezgera—kuwezgera kunyuma wana wakugomezgeka wa Chiuta kuleka kumanya Unenesko. Awo mbamweneko Chiuta. Chiuta wakaŵika wana Wakhe kuno, maukhaliro Ghakhe, kuti wayanjane na Iyo pakupulika Mazgu Ghakhe.

⁸⁰ Uli usange wawuso wakakuphalirenge iwe, ndipo iwe ndiwe mwana wakugomezgeka kwa awuso wako, ndipo iwo wakakuphalira iwe, “Msepuka, kurutako chara ku maji kula kudera uko, kukaseŵera, chifukwa muli ng’ona mu maji”; ndipo munthu wakwiza kunyuma, wakati, “Nadi, maji ghaweme ngati ghara, mulije ng’ona mwa ig’ho”? Sono kasi iwe utegherezgenge kwanjani? Usange imwe muli mwana nadi, imwe mutegherezgenge kwa adada w’inu.

⁸¹ Ndipo mwana mwanarumi panji mwana mwanakazi mweneko wa Chiuta wakutora danga Mazgu gha Chiuta. Ine nkhubwerera chara kwali munyakhe wakuyowoya vichi za ichi, iwo wakutora danga Mazgu gha Chiuta. “Muli poyizoni mu kapu,” ndipo iwo wakugomezga ichi.

⁸² Pakuwa na chipulikano mu Mazgu Ghakhe ghose, Mbewu Zakhe, zikiziska Eden wa utuwa, chitemwa, na Umoyo Wamuyirayira. Chira ndicho Eden wa Chiuta wakababa, utuwa. Ndipo ichi chikiza na Eden wa utuwa, wa chitemwa, kapulikiskiro, wakufikapo, na Umoyo Wamuyirayira. Ichi ndicho Chiuta wakupanda, Mazgu Ghakhe, Mbewu Yakhe. Ichi ndicho Mpingo Wakhe uzamkuwa paumaliro; Uwu uzamkuwa chinthu chimozimozi.

⁸³ Wonani, apo pali lingaliro. Kuruwa chara ichi. Ine ndifikengeko ku ichi nyengo yinyakhe panji mu Uthenga unyakhe. Kweni, imwe mukumanya, Chiuta wakati, “Mbewu yose yipambika kwakuyana na mtundu wakhe.” Kasi ili ndi languro la Chiuta? Sono chiweme ntchichi kuti mupharazgi munyakhe, panji munyakhe waliyose, kuyezga kupanga Lizgu lira kuyowoya chinyakhe? Wonani, Lizgu lirilose la Chiuta ndi Mbewu. Yesu wakati ntheura, “wakumija wakamija Mbewu.” Ntheura usange Marko 16 ndi Mazgu gha Chiuta, igho ghapambikenge kwakuyana na mtundu wakhe. Usange Malaki 4 ndi Mazgu gha Chiuta, igho ghapambikenge kwakuyana na mtundu wakhe. Ndipo phangano linyakhe lirilose likwenera kupambika kwakuyana na mtundu wakhe.

⁸⁴ Imwe wonani, mukumuwona Satana kuwaro kuno mukujibisa? Iyo wakuyezga kuyowoya, “Ndicho chara, ichi chiri ntheura chara.” Kasi imwe mukupulikiska ichi? [Gulu likuti, “Amen.”—Munozgi.] Wonani, Satana wakuti, “O, Icho ntchanyengo iyi chara. Icho, icho—icho ntcha... Icho chikawa cha nyengo yinyakhe. Icho, icho chikung’anamura nanga ndi ntheura chara.”

⁸⁵ “Mbewu yiriyose yikwenera kupambika kwakuyana na mtundu wakhe.” Umu ndimo Chiuta wakakhazikiskira Eden Wakhe. Asi uwo mbunenesko? [Gulu likuti, “Amen.”—Munozgi.] Ndipo ichi chiri apa, umo ndimo Chiuta wakukhazikiskira Mpingo Wakhe, Lizgu lirilose kwakuyana na mtundu Wakhe! “Munthu wakhalenge na chingwa pera chara, kweni na Mazgu ghose ghakufumira mu mlomo wa Chiuta.” Mukuwona? Satana, iyo watorenge chinyakhe chapadera. Kweni Chiuta wakati, “Mbewu yiriyose kwakuyana na mtundu wakhe.”

⁸⁶ Usange phangano likati, “Vimanyikwiro ivi viti viwarondezgenge weneawo wakugomezga.”

⁸⁷ Sono mpingo ukuti, “Joyinani mpingo. Yowoyani pamtima chigomezgo. Manyani katekisima.” Mulije vinthu vyantheura mu Baibolo lose.

⁸⁸ Kweni Yesu wakati, “Vimanyikwiro ivi viti viw̄arondezgenge w̄eneaw̄o wakugomezga: mu Zina Lane iwo w̄afumiskenge viw̄anda; iwo w̄awayoyenge na malilime ghapya; usange iwo w̄akorenge njoka, panji kumwa vinthu vyakukoma, ichi chiw̄apwetekenge chara iwo; usange iwo w̄aw̄ikenge mawoko ghawo pa w̄arwari, iwo w̄achirenge.” Kasi munthu ndinjani kuti wakane Icho? Mukuwona?

⁸⁹ “Mbewu yiriyose yipambikenge kwakuyana na mtundu wakhe.” Usange imwe ndimwe mbewu ya Chiuta, ukhaliro, mwana wa Chiuta, ipo Mazgu gha Chiuta ghakupandika mwa imwe. Mukuwona? Ndipo ntheura para imwe mukupulika Mazgu gha Chiuta, “mberere Zane zikupulika Mazgu Ghane; ndipo mlendo zimurondezgenge chara.” Imwe mukuchipulika ichi? “Ntheura mbewu yiriyose yikumera kwakuyana na mtundu wakhe.”

⁹⁰ Sono ise tikusanga kuti, mbewu yiriyose yikupambika kwakuyana na mtundu wakhe, mukaŵavye nyifwa mu upya. . . mu Eden yura. Muzamkuŵavye nyifwa mu Eden mupya. Wonani, mula mukaŵavye, mukaŵavye chirichose kweni utuŵa pera, uweme, na Umoyo Wamuyirayira.

⁹¹ Sono, pakuleka kugomezga Mazgu ghose gha Chiuta, kwiziska mbewu ya uheni mu Eden wa Satana. Ise sono tikunjira uko Satana wakutora chizumbe, ngati ntchikanakhristu, mu e—e Eden wa charu ichi, Eden wa kwananga, chisopo chakutimbanizgika. Iyo nthā wakayambira pakuti, “Ine ndine Satana. Ine ndine mungelo mukuru.” Chara, pa icho chara, kweni pakutimbanizga Mazgu gha Chiuta. Ndipo umo ndimo iyo wali kwiziskira ufumu wakhe, mu muwiro uliwose. Ndipo sono mu muwiro wa chinyengo chikuru uwu, wanozgeka kutora chizumbe chakhe, mwa ŵanthu ŵakhe! Iyo wajizengera iyoyekha wa vinjeru, masambiro, Eden wa sayansi; enya, wapharazgi ŵa sayansi, mpingo wa sayansi, fiyoloje ya sayansi, chirichose ntcha sayansi. Chirichose chikukhazikika pa kumanya. Mpingo wose wazengeka pa kumanya. Uwu wazengeka pa chipulikano chara.

⁹² Nyengo yimoza ine nkhaluta kuyakapangiska unganu mu mpingo wa munthu munyakhe. Iyi yikaŵa nyumba yikuru chomene kuzambwe. Munthu muweme, ndipo iyo wakavikana vinthu ivyo ise tikuyowoya. Kweni ndipouli, iyo wakaŵa. . . Ine nkhamutemwa iyo; munthu muweme, munthu mulara. Para gulu lakhe likati lafuma. . . Umu mukanjiranga pafupifupi ŵanthu vikwi vinkhonde na chimoza. Para gulu lakhe likati lafuma, mu chisopo chakumuhanya, pafupifupi fikitini handiredi, iwo wose ŵakaŵa ŵavinjeru ŵakavwara—makora. Ine nkakhala apo ndipo nkhaŵalaŵiska iwo.

⁹³ Iyo wakapharazga uthenga uweme chomene, munthu wakachita. Ndipo ntheura iyo wakafumba usange munyakhe

wakakhumba kumuzomera Khristu; kuti iwo wâkwezge waka muchanya mawoko ghawo. Ndipo pakaŵavye waliyose wakakwezga muchanya mawoko ghawo. Ndipo paumaliro mwanakazi wakakwezga muchanya mawoko ghakhe. Iyo wakati, “Eya, sono iwe ndiwe Mukhristu,” ndipo wâkamutorera iyo ku ubapatizo. Ndipo nthaura para iyo wakati wafuma kuwaro...Iyo wakamupatulira bonda, wakamufyofyontha bonda muchoko ndipo wakamuombera iyo, ndipo wakalifumiska gulu.

⁹⁴ Para gulu lakhe likati lafuma; wose wâweme, wâsukulu, wânthu wâkusambira. Nthaura ine nkhayimirira kudera linyakhe, kuti ndikorane nayo chasa munthu uyu na kumukhumbira iyo kuyenda na Chiuta, apo iyo wakarutanga.

⁹⁵ Ndipo para ine nkhati ndachita, apa likwiza gulu lane mkati. Iwo wâkaŵazomerezga chara kunjira apo gulu lakhe likaŵa mwenemula. Apa likwiza lane, mu mipando yakutchika, wâkasalasala, wâkukakika, wâkufuntha, na munyakhe waliyose. Imwe mukuyiwona mphambano? Icho ndicho. Ndicho chinthu icho ine nkhuwowa, wonani. Wonani, ichi ntchinyakhe chakupambana.

⁹⁶ Para, mwa kumanya mwa sayansi imwe mungamanya kupanga Uthenga *wakupulikiskika*, kuti, imwe, “iyo mweneuyo wakugomezga pa Yesu Khristu wati wasuskikenge chara,” wonani.

⁹⁷ Kweni, “Vimanyikwiwo ivi wiŵarondezzenge iwo weneawo wâkugomezga,” wonani, iyo wakutondeka kuchiŵikamo Icho mkati umo, wonani. Iyo wakagomezga pa Yesu Khristu, iyo waponoskeka, usange vimanyikwiwo ivi vikumondezza wakugomezga.

⁹⁸ “Ndipo iyo mweneuyo wakupulika Mazgu Ghane,” nesi kughayezgerera waka, nesi kughapulika waka Igho na makutu ghakhe, kweni, “kughapulikiska Igho.” Waliyose wangamanya kughapulika Igho; muzaghali wangamanya kughapulika Igho na kukhalirira muzaghali; wonani, muloŵevu wangamanya kughapulika Igho; mutesi wangamanya kughapulika Igho na kukhalirira mutesi. Kweni, “Iyo mweneuyo wakughapulikiska Mazgu Ghane, na kugomezga pa Iyo mweneuyo wakandituma Ine, wali na Umoyo wamuyirayira.” Apo mwafikapo sono, wonani.

⁹⁹ Ndipo kulije munthu wangamanya kuchita ichi kwambura kuti Chiuta wakamwimikirathu iyo. Yesu wakati, “Kulije munthu uyo wangamanya kwiza kwa Ine kwambura kuti Wadada wamucheme iyo, ndipo wose awo Wadada Wane wândipa Ine wâfikenge kwa Ine.” Amen. Ichi chose nkhuwowa payekha na kumanyirathu kwa Chiuta. Iyo wakukhala yekha ndipo palije munyakhe wakumuphalira Iyo chakuti wachite.

¹⁰⁰ Sono, mwa kuwura kugomezga, mu kuleka kutora Mazgu ghose gha Chiuta, kwiziska mbewu yakuleka kugomezga, yiheni, yakwananga, yathinkho, ndipo nyifwa ya Muyirayira yiri mu wakwananga uwu, muwiro wa mpingo wamasambiro. Sono imwe mwachipulika icho? Mu zuwa ili, kuti apo charu chose ntcha usopisopi! Kasi imwe mukachimanyanga icho? Charu chose ntcha usopisopi. Ndipo mu muwiro wausopisopi uwu, mipingo yikuru posepose; chirichose, chinthu chose chikumalira mwakuti Satana wakusopeka. Ichi chiri apa, nkhanira umu mu Baibolo. Uwu mbunenesko. Ndipo mu wavinjeru uwu, mu maseminare gha fiyoleje agho ghafika na munthu wamahara uyu mweneuyo wali kusambizgika umu iyo wangayowoyera, chakuti wangachita, umu wangapangiskira machitiro ghawo; na chirichose ngati nkhumanya maghanoghano gha wanthu, virimika vitatu na vinayi, kumanya umu wangachitira na malingaliro gha munthu. Wonani, ichi ndi . . .

¹⁰¹ Mzimu wa Chiuta ndi chinyakhe chara chakuti, imwe, ichi chikusambizgika mwa imwe. Ndi chinyakhe cheneicho imwe chikusankhikirathu kuwa mwa imwe, na nkhangono ya Chiuta Mwenenkhongonozose. Iyvo imwe mukukumana navyo vingasambizgika panji kunjirikizgika mwa imwe chara. Ichi chikamanyikwirathu, na nkhangono ya Chiuta na kumanyirathu kwa Chiuta, mwa imwe. Uwo mbunenesko.

¹⁰² Sono, ichi chikiziska Eden wakhe mukuru uyu mwenemumo iwo sono wakukhalamo, Eden wa mpingo wa charu. Iwo wose wakuwungana pamoza sono mu Wupu ukuru wa Charu Chose, ndipo wawenge na mpingo wa charu chose wose kuwa pasi pa mutu umoza, kwenekuko Satana wazamkupika chizumbe, nkhanira ndendende.

¹⁰³ Ndipo ntchemerezgo yaumaliro yikupulikikwa, kutora Mwanakazi pambere Uyu wandanjiremo mu icho. Pakuti kunjiram kamoza mula, uyu ndiko kuti watora lusimbo lwa chikoko, ndipo watayika, uyu wazamkufumamoso chara mu ichi. Ndicho chifukwa, wakuti, “Fumanipo pakati pa iwo, mwanthu Wane,” pambere ichi chindanjire mwa iyo, wonani. “Fumanipo pakati pawo, ndipo imwe patukaniko.”

¹⁰⁴ Sono, thinkho na nyifwa, na kupatukana kwa Muyirayira na Chiuta, mu Eden uyu; udokezi, ukazuzi, utimbanizgi, (uli?) pakuchita kupanda mbewu yiheni.

¹⁰⁵ Chikundikumbuska ine za mboniwoni ine nkhaiyiwona pambere ine nindakumane na wanthu wa Pentekoste, za Munthu yura wakayendanga kuzungulira charu chose, wakavwara vituwa. Imwe mulikundipulikapo ine nkhuoyoya ichi nyengo zinandi. Ndipo yumoza wakiza kunyuma kwa Iyo, kumijanga mbewu ziheni.

¹⁰⁶ Kweni iyo wakatonda ichi makora, mwa Eva . . . mu munda wa Eden, na udokezi wa Eva kukhumba kwananga; udokezi wa

Eva, wa kwananga. Ntheura, usange Eva wakadokera kumanya, uko kukaŵa kwananga.

¹⁰⁷ Ndipo para ise tikudokera kumanya, kukhumba Ph.D., LL.D., uku ndi kwananga kuchita ntheura. Aka nkhayowoyero kakupweteka, kweni uwu ndi Unenesko. Kwali ichi chingaŵa chakupweteka uli, uwu ndi Unenesko ndithu, wonani. Kudokera kumanya, kupulikiska!

¹⁰⁸ Nkhani ya ichi, njakuti, muhanyauno ise tikuyezga chara kukhazikiska Mazgu gha Chiuta mu mitima ya ŵanthu. Ise tikuyezga kujikhazikiska taŵene. Mipingo yikuyezga kukhazikiska chisambizgo cha mpingo, mu mtima wa munthu.

¹⁰⁹ Ise talangulika kukhazikiska Mazgu gha Chiuta. Paulos wakati, “ine nkhiza kwa imwe na mazgu gha kunyenga gha munthu chara, mwakuti chipulikano chinu chingamanya kukhazikiskika pa kumanya kwa munthu; kweni ine nkhwiza kwa imwe mu nkhangono; mu viwoneskero vya Mzimu Mutuŵa, mwakuti chipulikano chinu chingamanya kukhazikika mwa Chiuta.” Apo imwe mwapulika.

¹¹⁰ Munthu wangajikhazikiskanga iyoyekha chara. Ise tikuchisanga ichi pakati...Mulekani Chiuta wamuchitire chinyakhe munthu na kumutuma iyo uko, imwe mukusanga munthu waliyose wakuyezga kuyezgerera ichi. Wonani, iwo ŵakuyezga kujikhazikiska iwoŵekha. Munthu waliyose, “ine nkhachita ichi. Ine, ine, chane, bungwe lane, ine, ichi,” kujikhazikiska iwoŵekha. Kasi ise tikupharazga vichi, vya isetekha panji vya Ufumu wa Chiuta?

¹¹¹ Khazikiskani Mazgu gha Chiuta. Uskaniko nkhaiyiko ndipo mukhazikiske Ufumu wa Chiuta mu mtima wa munthu. Ndipo Ufumu wa Chiuta ungakhazikiskika chara mu mtima wa munthu kwambura kuti Chiuta wakamupanga munthu uyo kuŵa ntheura. Iyo wangakhazikiskika chara mu . . .

¹¹² Ndipo, kumbukirani, gawo la chinyengo, icho munthu wakughanaghana kuti ichi ntchiweme. Wonani. “Yiriko nthowa iyo yikuwoneka kuti njiweme kwa munthu.” Munthu waliyose wakusambira wakuwoneka muneneska.

¹¹³ Ngati ndiumo ine nkhamuphalirirani imwe maSabata ghachoko ghajumpha; para ine nkhaiyimirira pafupi na bonda wane uyo wakafwanga, ndipo Satana wakayimirira apo ndipo wakati, “Apo pali ŵawuso, ŵakafwira mu mawoko ghako usiku unyakhe. Apo pali muwoli wako wagona pasi uko mu di—dindi, ndipo apa pali bonda wako wakuruta. Ndipo iwe ukamufumba Iyo kuti wakuzgore iwe, ndipo Iyo wakakhizgira kwako . . .Iyo wakakhizgira mdima pa iwe. Sono, ndipouli Iyo ndi Chiuta muweme, ndipouli iwe ukati Iyo ndi Mchiriski. Ndipo iwe, wamweneiwe ukugomezga kuti ivyo wakayowoya vikaŵa vyaunenesko, iwe wateta.” O, chifukwa chirichose, chigaŵa

chose cha masambiro chikayenera kuzomerezga kuti ula ukaŵa unenesko; ndipo iyo wakaŵa muneneska, chomene.

¹¹⁴ Ntheura kasi iyo wakaneneska para iyo wakamuphalira Eva, “Maso ghinu ghajurikenge, ndipo imwe mumanyenge uweme na uheni. Ndipo imwe muŵenge ngati mba chiuta, kuŵa ntheura, kumanya uweme na uheni,” chifukwa Chiuta wakazomerezga chara kuti ŵajilaŵiske iwoŵekha, kuti iwo ŵakaŵa nkhuli. Ntheura iwo ŵakamanya kuti ŵamanyenge uweme na uheni; ndipo iyo wakaneneskanga. Kweni, imwe mukuwona, ichi chikaŵa chakususkana na Mazgu gha Chiuta.

¹¹⁵ Ndipo ntheura ndimo ŵakuchitira ŵapharazgi mu maseminare, kusambiranga fiyoloje yakupangika na munthu; ichi chingamanya kuwoneka kuŵa chiweme, ichi chingamanya kuŵa chinthu chakupulikikwa makora, kweni ichi ntchautesi.

¹¹⁶ Ise tikwenera kuchipulikiska chara Ichi. Ise tikuchigomezga Ichi chifukwa Chiuta wakayowoya ichi mwantheura, ndipo ichi chikukhazikiska ichi muyirayira. Chinthu chose, iyi ndiyo nthowa yakugomezgera Ichi.

¹¹⁷ O, umo Eva wakadokerera kuŵa na Ph.D., wonani, umo iyo wakadokerera kuŵa wavinjeru kuruska umo iyo wakaŵira!

¹¹⁸ Wonani umo ŵakukozgerana, mwanarumi na muwoli wakhe... Sono wonani, mwanarumi na muwoli, wose ŵaŵiri ŵakaŵa nkhuli mu munda wa Eden, Eden wa Chiuta.

¹¹⁹ Sono ine ndijarengwe. Ine nanguyowoya ndimusunganinge kwa ma miniti ghachoko waka. Wonani, laŵiskani sono, apo nkhujara.

¹²⁰ Linganizgani ichi sono, umo ŵakakozgerananga chomene mwanarumi yura na mowoli wakhe, wose ŵaŵiri mu Eden wa Chiuta, ŵambura kakuvwara nanga nkhamoza pera pa iwo, ndipo ŵakamanya chara ichi. Pakuti ntchifukwa uli iwo ŵakamanya chara ichi? Pakuti iwo ŵakabenekerereka ku maghanoghano ghawo ghaunkhuli, na Chidiko Chituŵa, cha Mzimu Mutuŵa. Iwo ŵakamanya kulaŵiskananga pa yumoza na munyakhe, ndipo iwo ŵakamanya chara kuti iwo ŵakaŵa nkhuli. Iwo ŵakabenekerereka na Mzimu Mutuŵa, wa utuŵa. Iwo ŵakabenekerereka.

¹²¹ Chidiko cha Chiuta, ndipouli muhanyauno, ŵangamanya kulalaŵiska ndipo ŵangadokera chara. Iwo ŵakurazgako nkthontho. Ichi ndi Chidiko Chituŵa, wonani, Chidiko Chituŵa. Chiuta wakatora maso ghawo... iwo wose, yumoza wakaŵa mwanarumi ndipo munyakhe wakaŵa mwanakazi, ndipo iwo ŵakamanya chara kuti iwo ŵakaŵa nkhuli, chifukwa utuŵa wa Chiuta ukabenekerera maso ghawo. Wonani, Chiuta wakabisa chikhumbokhumbo chawo cha kwananga, na Chidiko Chituŵa.

¹²² Nakhumbanga ise nthena tanguŵa na nyengo kuti tikhazikikepo pa icho, kwa maminiti ghachoko. Wonani kuno,

“Pakuti iyo, wakusopa para watozgeka,” W̄ahebere, “wakusopa para watozgeka, walije khumbiro lakuchita kwananga.” Kwananga kwafumako kwa iyo.

¹²³ Ine nangumupulika M’bale Neville wanguti, mlenji uno; munyakhe panji wamufumbanga iyo nchifukwa uli ine nangupharazga chara za Mzimu Mutuŵa, ntchifukwa uli ine nanguchita chara *ichi*. Ndi ichi apa. Mzimu Mutuŵa ndi mlimo mwa imwe. Ndi Umoyo, chakuchitika muthupi chara; ukaboni unyakhe chara wa muthupi. Kweni Uyu ndi Munthu, Yesu Khristu, Mazgu gha Chiuta kukhazikiskika mu mtima winu, kupereka umoyo ku Lizgu lililose ku muwiro uwo. Enya. Wonani Mzimu Mutuŵa mu mlimo, mu viwoneskero chomene chara; kweni, mu mlimo, ivyo Uwu ukuchita kwakulingana na Mazgu.

¹²⁴ Wonani sono Mzimu Mutuŵa, wa Mazgu Ghatuŵa gha Chiuta, ukaŵa na mwanarumi na mwanakazi nkhuli, ndipo ŵakamanya chara ichi. Mwe kutowa, Umoyo wa Mazgu; Mbewu, Mazgu!

¹²⁵ Chiuta wakati, “Pali khuni pakatikati pa munda, mwanakazi. Ndipo pakatikati pa munda pali khuni ili; mungayezganga nanga nkhulikwaska ili. Pakuti, zuŵa leneilo imwe muzamkuryako, zuŵa leneliro imwe muzamkufwa.” Iwo ŵakabenerereka na chidiko chituŵa kwa ili, ŵakamanya chirichose chara za ili, nesi kuŵa na chikanga kulikhwaska ili.

¹²⁶ Iwo ŵakabenerereka na chidiko chituŵa. Iwo ŵakaŵa ŵakuvikiririka mu munda wa Chiuta. Iwo ŵakaŵa ŵamoyo. Iwo ŵakaŵavye nyifwa kuŵazingirizga iwo. Haleluya! Iwo ŵakaŵa na chitemwa cheneko kwa yumoza na munyakhe, Umoyo weneko wamuyirayira. Iwo ŵakaŵa na chitemwa cheneko, kapulikiskiro keneko ka chitemwa cha Chiuta. Iwo ŵakaŵa na Mazgu gha Chiuta, ndipo ŵakaghasungilira Igho. Ndipo iwo ŵakaŵa ŵamoyo na ŵakuvikiririka mu Eden wa Chiuta, kwambura nyifwa kuŵazingirizga kosekose iwo.

¹²⁷ Ntheura, Satana wakamusanga Eva kuti wategherezge ku uthenga wakhe wa fiyoloje, uthenga wa kumanya, kusambizgika kwapachanya, kamanyiro kapachanya, chitukuko chiwemiko, masambiro ghapachanya, na vinyakhe ntheura; ntheura para iyo wakati wamuyimika iyo na...kutegherezga kwa iyo pachoko, ku maghanoghano ghakhe (agho ise tiri kulangurika kughakana), para iyo wakati wamupanga iyo kutegherezga ku agha.

¹²⁸ “Sono, laŵiskani kuno, mpingo uli *mwakuti-na-mwakuti*. Uwu ukakhazikiskika kale chomene. Ise tiri yumoza wa mipingo yakale chomene mu charu. Murara wa mzinda ndiko wakuluta.” Ine nkhupwerera chara icho uwu uli, wonani. Usange uwu ukulimbana na Mazgu gha Chiuta, ukaneni uwu. Uwo ndi murwani winu. Chirichose icho chikulimbana na Mazgu ndi murwani winu.

129 Waliyose uyo wakupulikana na Mazgu ndi m'bale winu. Iyo ndi gawo la imwe.

130 Wonani, iyo wakavura Chidiko Chituwa, kuti wawone kasi kugonana kukawa uli; linganizgani icho, icho udokezi ungamanya nadi kuchita. Iyo wakawuskako Chidiko ku maso ghakhe, chinthu Chituwa icho Chiuta wakaŵika pa kubenekerera maso ghakhe. Iyo wakakhumbanga kumanya, kuti wamanye kasi ichi chikaŵa vichi; nthaura iyo wakavura Chidiko kuti wawone kasi ichi chikaŵa uli. Iyo wakategherezga ku chiŵanda, nthaura wonani malo uko ichi chikamuŵikamo iyo.

131 Iwo ŵakachita chimozimozi mu muwiro uliwose mwakurondezgana, nyengo zose kutoranga chigaŵa chavinjeru; ndipo sono wazenga ufumu wa Satana, kumanya, mbewu yakhe iyo wakamija, ndipo watora charu kuŵa Eden wa nyifwa.

132 Sono wonani. Sono laŵiskanani pa Chivumbuzi 3, Muwiro wa Ekleziya la Laodikeya. Imwe muchighanganire ichi mu malingaliro ghinu.

133 Sono wonani. Iyo, Eva, ndi fumukazi ya Satana. Wonani, Satana, serpente, wakagona na Eva pambere Adam wakaŵa wandagone nayo. Mukuwona? Uwu mbunenesko. Nthaura iyo yikamunyenga iyo, wonani; nthaura Satana, serpente, wakaŵa mufumu wa Eva pambere Adam wakaŵa wandamumanye. Wonani, iyo yikamunyenga iyo. Baibolo likati iyo wakachita, ndipo iyo wakamanya wakaŵa nkhuli, nthaura. Mukuwona?

134 Sono wonani pa—pa Mpingo wa Muwiro wa Laodikeya. Iyo, Eva, wakukhala ngati fumukazi ya Satana. “Iyo ndi msambazi mu katundu wacharu; wachibulumutira, waliso nkhuli, ndipo wakumanya chara ichi,” ngati ndiumo vikaŵira mu Eden wa Chiuta. Kweni sono, chifukwa chakuti Chidiko Chituwa chabenekerera chisko chakhe chara, kweni chidiko cha udokezi. Kutu, iyo wakavura Chidiko Chituwa cha Chiuta, na kuvwara chidiko cha kumanya, kukhumba udokezi. Ndipo sono iyo wali na chidiko chaidokezi, kuti iyo ngwa, “chibulumutira” ku ichi ndi kwananga. Iyo wali “nkhuli” pa msewu, “ndipo wakumanya chara ichi.” Iyo ndi muzaghali pa msewu. Ŵanakazi ŵakuvwara ŵakabunthu aŵa, mu maso gha Chiuta, ndi muzaghali, “ndipo ŵakumanya chara ichi.”

135 Wonani, torani ŵazimayi ŵithu. Sono, usange imwe mukukhumba kuwona kaŵiro ako mpingo ulimo, laŵiskani umo ŵanakazi ŵakuchitira. Iyo nyengo zose wakuyimira mpingo. Mu Eden wa Satana, wakwananga na wakuleka kugomezga, usopisopi wakutimbanizgika; ufumu wakutimbanizgika. M'malo mwakutora Mazgu gha Chiuta, iwo watora vinjeru vya kusambira kwa munthu. Ndipo m'malo mwakutora Mpingo, iwo ŵakatora bungwe, ndipo iwo ŵakuwutorera uwu ku murongozgi yumoza mukuru.

136 Sono wonani, kutimbanizgika kufuma kuuweme. Kuchiphonya chara ichi sono. Mpingo ukaŵa nacho chidiko ichi cha udokezi. Wonani icho chachita kwa uwu. Ichi—ichi chautimbanizgi uwu kufuma kwambura kwananga kuluta ku kumanya. Mukuwona? Na Chidiko Chituŵa, iyo wakaŵa mwanangwa; na chidiko cha udokezi, iyo wali na kumanya. Iyo wakumanya ichi ntchiweme. Iyo wakumanya icho ichi chikuchita, wonani. Ichi ntchipaso, khuni lakuti lingakhumbirika, kupangiska yumoza kuŵa wavinjeru. Mukuwona? Iyo watimbanizgika kufuma ku kuleka kwananga kuluta ku kumanya, kufuma ku utuŵa kuluta ku ukazuzi na udokezi, ndipo kufuma ku Umoyo kuluta ku nyifwa.

137 Ufumu uwu ukwenera kuti ufwe. Ufumu uwu ufwenge! Chiuta wa Kuchanya wazamkuwupasura uwu kufuma pa charu cha pasi.

138 Wonani, mu nthimbanizgo iyi, ichi chazgoka kufuma kwa mwanarumi kuluta ku mwanakazi, na kufuma ku mwanakazi kuluta ku mwanarumi, “ndipo ŵakumanya chara ichi.” Chipaso chiweme chomene cha Eden wa Satana, usange imwe mungalaŵiska misewu muhanyauno, pa ŵanthu ŵithu ŵasono.

139 Wonani, wakaŵa Eva uyo Satana wakagwiriska ntchito kupanga kuti Adam wanange na nkhangono yakhe ya udokezi. Sono chimozi, ŵakupanga chimozi muhanyauno. Wonani, sisi lakumeta, nkhope-za zakupenta, kuvwara kwauzaghali, wonani, iyo wakuchita ichi, ndipo ŵakumanya chara kuti chirichose cha vinthu iyo ntchakususkana na Mazgu gha Chiuta. Kudumula sisi lakhe, kukumupangiska kuŵa mwanakazi wambura kuchindikika, muzaghali. Kuvwara ŵakabunthu, kukumukhozeska soni iyo. Kuŵika malaya ghauzaghali pa iyo, kukumupangiska iyo kuŵa muzaghali. “Ndipo iyo wakumanya chara ichi,” chifukwa cha utuŵa wa Chiuta chara; chifukwa cha udokezi wa Satana. Iyo wakamupangiska iyo...Iyo wakumupangiska Adam wakhe kumudokera iyo.

140 Iyo wakavura malaya agho Chiuta wakamvwarika iyo, kuwerera mu Eden, pa ulendo wakhe mu—mapopa agha. Iyo wakaghavura igho. Iyo wakajivura iyoyekha. Apo, Chiuta wakati wamuvunga iyo zingirizge mu vikumba; iyo wakuyamba kujivura yekha pachokopachoko nyengo yiriyose, sono iyo wawerera ku icho iyo wakaŵa mu mtendeko.

141 Sono iyo wamutora Adam wakhe kuti wavwarenge malaya ghakhe gha mkati. Mwanarumi kughavwara igho makabunthu ghakale ghachoko ghamawonekero-ghachanakazi, na kufumira kuwaro kuno, ine nkhukeyika usange muli wanarumi wakukwana mwa iyo. Iyo ndi mwanakazi mukuru chomene mweneuyo ine nkhumanya. Mukuwona? Wonani, iyo wamutora Adam wakhe wakutimbanizgika kuti wachite

ngati ndiyo, wonani, kuvwaranga malaya ghakhe ghamkati. Iyo wakawona icho iyo wakamanya kuchita kudera kula para iyo wakavura malaya ghakhe ghose kupatulako ghakhe ghamkati. Agho ndi makabunthu. Enya, agho ndi malaya ghamkati gha mwanakazi, ndipo apa Adam wakhe wakughavwara igho sono. Icho, kwakulingana na Mazgu gha pakudanga gha Chiuta, “Ntchaukazuzi ku mwanakazi kuti wavware malaya gha mwanarumi, na kuti mwanarumi wavware malaya gha mwanakazi,” kufuma ku Mazgu gha pakudanga. Ghanaghanani za ichi!

¹⁴² Sono, mwanarumi sono wakuvwara vyakulendera vya mwanakazi, nayoso. Iyo wakuviskakulira musi, wakuwikamo vyakuliposera mwa ili. Chinyakhe cha mawonekero ghaheni ine ndiri kughawonapo mu umoyo wane, ndi wana wanyakhe kudera uko muhanyauno na vyakulendera vyawo kuskakulikira musi ngati *ntheura*, na mtundu, sisi lakuchapika, na mtundu unyakhe wa mankhwala, na kuchapira sisi lawo, na kuliposera ili na vyakupindira, kupanga vyakulendera. Iwe chanakazi chikuru! Icho ntchinthu chakofya kuchiyowoya kufumira pa gome, kweni cheruzgo chikuyambira mu nyumba ya Chiuta. Iwe ukumanyaso chara kwali ndiwe mwanarumi panji mwanakazi. Ndipo ine napulika kuti Wasirikali withu wa United States wayambenge kuvwara makabunthu. Uwu mbunenesko. Mukuwona ichi nthimbanizgo yili? Ndi chakuvwara cha mwanakazi; kuvwara vyakulendera vyakhe.

¹⁴³ Zuwa linyakhe ine nkha wa kudera ku, Howard Johnson; uyo wakuno chara, kweni yumoza pa msewu wakurutira uko. Ndipo ine nkakhala waka uko mwakuzizwa. Apo wakwiza mnyamata muchoko, mlomo wakhe wakujurika. Ndipo iyo waka wa na sisi lifipa *apa*, ndipo wakaliskakurira mwakuligonekera ku lwandi *ili*; ndipo wakuwikamo chakuposera mwa ilo, ndipo wakalipinda ili mwakuzungulira, pachanya pa maso ghakhe; kula wiskiranga muchanya mwa maso ghakhe, kurutanga kosekose. Usange ine ndili kuwonapo nthimbanizgo! Wonani, iyo wakagomezga chara ichi. Iyo wakamanya kukhozgera kuti iyo waka wa mwanarumi, kweni mu mzimu wakhe iyo ndi mwanakazi. Iyo wakumanya chara chiga wa cha nyumba icho iyo waliko. Uwu mbunenesko. Utimbanizgi uli!

¹⁴⁴ Ichi ndicho Satana wakuchita. Iyo wakutimbanizga mitundu. Iyo wakutimbanizga mpingo. Iyo wakutimbanizga wanthu. Iyo ndi mpuruski, mtimbanizgi wa Unenesko wa pakudanga.

¹⁴⁵ Chiuta wakapanga mwanarumi ku wa mwanarumi. Iyo wakapanga mwanakazi ku wa mwanakazi. Ndipo Iyo waka wawwarika iwo mwakupambana, ndipo Iyo waka wapanga iwo kuti wakharege ntheura na kuchita munthowa yira; yumoza ndi mwanakazi ndipo munyakhe ndi mwanarumi. Iyo

wakamupatula Adam mu munda wa Eden, ndipo wakachita ichi, wakamupatula Eva kufuma kwa iyo.

¹⁴⁶ Sono wakuvwara vyakulendera vyakhe; mwanakazi wakumeta sisi lakhe ngati ndi mwanarumi, ndipo mwanarumi wakumezga kulipanga lakhe ngati nda mwanakazi. Mukuwona? Mwanakazi wakuvwara malaya gha mwanarumi ghakuwaro ndipo mwanarumi wakuvwara malaya ghamkati gha mwanakazi. Sono, ichi chikuwoneka ngati nkhuonyoza, kweni ine nkhang'anamura ichi munthowa iyo chara. Uwo ndi unenesko nadi wa Uthenga. Usange imwe mukumanya chara ichi, ipo chinthu chinyakhe ntchakwanangika na imwe; imwe panji muli wachibulumutira panji muchali mundayendepo pa misewu. Ndipo mwanakazi wakughanaghana ndipo mwanarumi wakughanaghana kuti wakuchita chira ntchiweme, iwo wakusenderera ku malo ghanyakhe.

Wanakazi wakuti, “Enya, uku kwafunda chomene!”

¹⁴⁷ Wamwenye wakale wa Apache kudera uko wangamanya kumupangiskani imwe kukhozgeka soni. Para wakupulika kufunda chomene, ndipo iwo wakuvwara malaya ghanandi chomene, kuti zuwa lilekhe kuwapweteka iwo; o, kuwapangiska kufuma thukuta, nthaura imwe mungamanya kuwa na chakupukusira-mphepo apo iwo wakwenda. Mukuwona? Iwo wakuyimirira nkhanira mu zuwa.

¹⁴⁸ Imwe mungapilira chirichose chara; imwe mungachita mathuvya na kuphya. Kweni, imwe wonani, ichi ndicho imwe mukuchichema kuti masambiro ghapachanya. Sayansi ya sono ndiyo yiza na ichi. O, mwe! Uyo wali apo, “nkhuli,” mu Laodikeya, “ndipo wakumanya chara ichi.”

¹⁴⁹ Iyo wakaŵa nkhuli mu Eden. Mukughawona maufumu ghaŵiri ghakukozgana? Umoza ngwa kwananga na nyifwa; unyakhe ndi Umoyo na urunji. Mkati mula iyo wakabenekerereka na Chidiko Chituŵa. Iwo wose wakaŵa nkhuli; iwo wakamanya chara ichi. Iwo wakamanya chirichose chara za ichi, chifukwa iwo wakabenekerereka na Mzimu wa Chiuta.

¹⁵⁰ Ndipo apa iwo wabenekerereka na udokezi, ndipo wakulaŵiskana yumoza na munyakhe kuti... Wonani, Adam wakamanyanga kumulaŵiska Eva, ndipo wakamanyanga chara kuti iyo wakaŵa nkhuli. Kweni sono na chidiko ichi cha udokezi, iyo wakumanya chara iyo wali nkhuli, kweni iyo wakuchita ichi na chidiko ichi cha udokezi na kupangiska mwanarumi kuti walaŵiske kwa iyo. Ndicho chekha pera mwanakazi wangachitira nacho ichi. Imwe mukugomezga chara ichi, kweni imwe mukuchita ichi ndipera, ndipo mwanarumi wakulaŵiska. Ndipo iyo wakasanga imwe muli na chikoka chikuru, mpaka iyo wakikha na kuŵika ghanyakhe gha malaya ghinu pa iyoyekha.

¹⁵¹ O, ndi nthimbanizgo uli! Muwiro uli! Ndi nyengo uli ise tiku... Umo uliri wakupuruska! O, vinthu vyose ivi, “ndipo wakumanya chara ichi,” mzimu weneko wakutimbanizgika uli mwa mwanarumi. Iyo wabenekerereka kufuma ku udokezi wa Satana, ndipo mwanakazi nayo, ntheura pera. Ndi mzimu wa usatana wa bungwe likuru. Wonani, iwo wakumanya chara, kweni iwo ndi bungwe. Wanakazi wakuvwara wakabunthu, mba ku bungwe. Mwanarumi wakuvwara mwantheura, ngwa ku bungwe. Ine ndimupaninge imwe ching’anamuro cha ichi, G.L.L., Gulu Likuru Lachanakazi, ntheura uko ndiko iwo wali. Fumaniko uko, ku gulu likulu lachanakazi, na tumapanti twawo tuchoko uto wavwara, gulu likuru-lakuwoneka ntheura, chinthu-chamawonekero ghaukazuzi. Ine—ine...

¹⁵² Mwanarumi, sono imwe panji mungamanya kususkana nane pa ichi, kweni uwu ndi Unenesko. Imwe muli kutimbanizgika ndipo imwe mukumanya chara ichi. Imwe ndimweso chara, mukukhalaso ngati ndi mwanarumi chara. Wonani, kwizanga mwakufwasa chomene; ndipo, mwana wawo mwanarumi, wawengeso kanthu chara kwa iwo; mwanarumi, na wanakazi, nawoso. Iwo ndi gulu. Apo pali bungwe. Chifukwa? “John, wakhomo linyakhe, wakavwara wakabunthu, ntheura ine ningatondeka uli? Luella wakakhumbanga ine kuti ndighavware igho pakuti John wakaghavwara igho, wakhomo linyakhe. Ndipo, enya, usange—usange Susie Jane wangamanya kughavwara igho, ipo Martha Jane wangamanya kughavwara igho, panyakhe Susie Lou,” panyakhe waliyose kwali zina lakhe ndinjani, wonani. Wonani, ili ndi gulu. Ili ndi bungwe. Imwe kuuzimu muli mu ichi, ndipo mukumanya chara ichi.

¹⁵³ Ndipo usange chiri ntheura, ndipo ise tikuchiwona ichi mwantheura, ipo imwe mwabulumutizgika. Imwe mwabulumutizgika ku mabungwe agho gheneagho Satana wamupiringizgiranimu imwe. Ndipo iyi ndi nthimbanizgo ya Mazgu gha Chiuta gha pakudanga, na Ufumu Wakhe, na ndondomeko Yakhe pa wana Wakhe. Satana wawapiringizgira wanarumi na wanakazi mu vinthu ivi, ndipo iwo wakumanya chara ichi. Chakutimbanizgika!

¹⁵⁴ Wakuwaso mwana wa Chiuta chara! Sisi lakuposekana kulenderanga pa chisko chakhe, ndipo wavwara wakabunthu, kuyendanga pasi pa msewu; mwana wa Chiuta, dikoni mu mpingo, muliska pa gome? Chara, uyu ndi mwana wa Chiuta chara. Iyo wakizira mu Sefa ya Chiuta wakulingalira chara. Iyo nthena wakavwara chara malaya gha wanakazi wara; nadi iyo nthena wakachita chara; nesi iyo nthena wakamanya kuwa na malaya gha mwanarumi. Wonani, ndi mwana wa Chiuta chara. Ndi mwana mwanarumi wa Satana, na mwana mwanakazi wa Satana. Chinthu chinonono kuchiyowoya!

¹⁵⁵ Satana watonda pa kutimbanizga na kutora ulamuliro wa charu ichi, na kupanga ichi kuwa ufumu wakhe; penepapo

munthu yura wakaŵikikapo, kwambura kukakamizgika, kuti ŵajisankhire iwoŵene umoyo uwo iwo ŵakakhumbanga. Ndipo icho chikulongora icho chiri mu mtima winu. Mukuwona? Mazgu ghinu... Imwe kasi mukumanya? Milimo yinu yikuyowoya chomene, yikubizga mazgu ghinu. U-nhu!

¹⁵⁶ Lekani ine ndilute ku mwanarumi. Ndipo ndiyowoye, “O, ine... Ise tose ndise Ŵakhristu. Ise tiri nawo mpingo.” Ndipo vithuzithuzi viri lendelende mu ofesi yakhe? Nhu! Ichi chikamanya kupanga mphambano chara na icho iyo wakandiphalira ine, ine ningamanya makora; ntheura nanga ndimwe.

¹⁵⁷ Lekani mwanakazi wayowoye kuti ndi Mukhristu, na sisi lifupi? U-u! Imwe mukumanya makora kuruska apa, wonani. Enya, bwana. Lekani mwanakazi wayowoye kuti ndi Mukhristu, kujiphakanga penti na vyakuphodaphoda, na ŵakabunthu, na kuyowoya iyo ndi Mukhristu? Imwe mukumanya makora kuruska apa. Mazgu gha Chiuta ghakumsambizgani imwe makora kuruska apa. Mazgu ghakuti iyo wangachita chara ichi nakuŵa Mukhristu. Iyo ngwambura kuchindikika, na chirichose. Kasi Chiuta wazamkuŵika uli chinthu chambura kuchindikika mu Ufumu Wakhe? Chara, bwana, napachoko pose. Chara, bwana. Iwoŵekha, ŵakurongora makhumbiro ghawo.

¹⁵⁸ Imwe mungatora chara nkunda kuti yirye pamoza na luhera, napachoko chara. Nkhunda yirije ndulu. Iyo yingarya chara nyama yakale yakuvunda yira. Usange iyi yingachetako waka ku iyi, iyi yingamanya kuyikoma iyo, ndipo iyi yikumanya ichi. Kweni luhera wangamanya kurya pafupifupi kalikose iyo wakukhumba. Mukuwona? Iyo wali na ndulu yinandi chomene.

¹⁵⁹ Ntheura imwe mukusanga, umo ndimo ichi chiliri mu charu muhanyauno, chimozi, “Iwo ŵali nkhuŵi, ŵachibulumutira, ndipo ŵakumanya chara ichi.”

¹⁶⁰ Satana wakachita ichi pakutora udokezi wa mwanakazi kukhumba kumanya, kugonana, icho iyo wakasankha mu kusankha kwakhe. Sono wonani, wakaŵa Eva uyo wakarongozgera Adam ku kuchita uheni, ndipo wakaŵa mwanakazi uyo wakadanga kuvura malaya ghakhe pambere Adam wakaŵa wandavure ghakhe. Mukuwona? Ndi mwanakazi, nyengozose. Nyengozose ndimo chikaŵiranga. Ichi chichali mu kachitiro kenekala.

¹⁶¹ Ndi mpingo uwu ukumurongozgera munthu kukutayika. Ndi mpingo, wonani, uwo ukumurongozga munthu uyo wakhumbanga kuŵa mwana wa Chiuta. Ndi mwanakazi, mpingo. Ndi Baibolo chara, Chiuta, pakuti Baibolo ndi mwanarumi. O! enya, “Mazgu ghakazgoka thupi,” ndipo Iyo wakaŵa Mwanarumi. Mukuwona? Baibolo ndi mwanarumi; mpingo ndi mwanakazi. Mukuwona? Ndi mpingo chara...

Baibolo ilo likumurongozgera munthu kukutayika. Ndi mpingo uwo ukumurongozgera iyo kukutayika. Ndi mpingo uwo mwanarumi wakayenda nawo nkhuli, Baibolo chara. Mukuwona? Chara, nadi. Baibolo likumuphalirani mwanarumi iyo wali nkhuli. Enya, bwana.

¹⁶² Sono wonani umo, mu kugonana, khumbiro la kugonana, iyo wakadokera kumanya, kumanya kasi chikaŵa chivichi *ichi*, ndipo uli, kwali chipaso ichi chikaŵa chiweme panji chara. Ndipo iyo wakachita ichi.

¹⁶³ Chiuta wazamkuchitora ichi zuŵa linyakhe, nangauli, kugwiriska Mwanarumi. Ichi chikatayika na mwanakazi. Kweni ichi chikawomboreka na Mwanarumi; Mwanarumi, Yesu Khristu, mweneuyo ndi Mazgu.

¹⁶⁴ Ndipo nthaura kasi ntchichi ichi? Wonani, mu kujara. Kuno kale chomene chara, ine nkhayowoya ichi. Ine ndiri na mapeji ghanayi panji ghankhonde apa, kweni ine... gha Malemba na vinthu ivyo ine nakhumbanga kuti ndiviyowoye. Kweni, tegherezgani. Tiyeni ise tijare, mu kuyowoya ichi.

¹⁶⁵ Kumbukirani, kuno kale chomene chara, ine nkhamusambizganinge imwe za Mbata Seveni, phwando la mbata, ndipo na vinyakhe. Ndipo ine nkhati, “Liriko zuŵa la chikhondwerero la chinkhonde na chitatu.” Nthaura, zuŵa la chinkhonde na chiŵiri liwenge laumaliro, leneilo lizamkuŵa Mileniyamu. Kweni liriko zuŵa lachikhondwerero la chinkhonde na chitatu; leneilo, usange ilo likaŵenge la chinkhonde na chitatu, ndipo kuli mazuŵa ghankhonde na ghaŵiri pera, litipangikenge ili kuŵaso zuŵa lakudanga, kwiza kuwureraso ku zuŵa lakudanga. Nthaura, para Mileniyamu yamara, nthaura kuzamkuŵaso Eden wakukhazikika. Ufumu ukuru wa Chiuta uzamkutoreka kuwezgekeraso. Chifukwa, Yesu wakawurwera uwu na Satana, mu munda wa Gethsemane, ndipo wakatoraso Eden; uko, Iyo waruta kuya kanozga Kuchanya, kuti wawerereso, Kuchanya kula. Iyo wakati, “Mitima yinu yingakweŵeskekanga chara.”

¹⁶⁶ Para Iyo wakaŵa pano pasi, Iyo wakati, “Imwe, imwe ŵa Yuda, imwe mwagomezga mwa Chiuta. Sono, ine nkhumanya ndiri na zina liheni,” Iyo wakati. “Ndipo iwo wakuti, Ine ndine *ichi, chinyakhe*. Kweni, imwe mwagomezga mwa Chiuta; ndipo umo imwe mwagomezgera mwa Chiuta, gomezganiso mwa Ine.” Iyo wakaŵa Chiuta, wakuwonekera. Mukuwona? “Gomezganiso mwa...”

¹⁶⁷ “Mu nyumba ya Ŵadada Ŵane muli ghanandi...” Panji, “Mu chuma cha Ŵadada Ŵane, mu malo gha Ŵadada Ŵane muli nyumba zinandi zaufumu. Ine nkhiruta kuya kanozga malo.” Wonani kutalika umo iyi yiliri, mitunda ifitini handiredi vigaŵa vyose vinayi! Mukuti, kasi agha ghalinkhu? Iyo waruta kuya kaghanozga agha. Iyo ndi Mlengi. Iyo wali kulenga golide

yose uyo. Misewu yikuwoneka pakweru. Iyo ndi Mlengi. Iyo wakunozga malo. Umo mu Chivumbuzi 21, iyo wakati, “Ndipo ine Yohane nkhwona Msumba utuŵa, Yerusalemu Mupya, kwikha kufuma kwa Chiuta kufuma Kuchanya.”

168 “Kula kukaŵavye nyanja; kuchanya kwa kudanga na charu chapasi chakudanga vikamara.” Kasi machanya ghithu ghakudanga ghakaŵa vichi? Ghakaŵa Mileniyamu. Kasi charu chapasi chakudanga ntchichi? Chikaŵa ichi. Ichi chizamkunozgekaso. Ngati ndiumo ichi chikabapatizikira na Nowa, mu mazuŵa gha upharazgi wakhe; ichi chikatuŵiskika na Khristu, umo Iyo wakawazgira Ndopa Zakhe pa ichi; ndipo wakachinozgaso, kufumiska mageremusi na vinyakhe vyose kufuma ku ichi, mu kunozgaso paumaliro, na ubapatizo wa Moto uwo uzamkukoma geremusi lililose, urwari uliwose, nthenda yiriyose, ukazuzi uliwose uwo ukaŵapo pa charu chapasi.

169 Uwu uzamkubabikaso, ndipo Charu Chipya chizamkuwoneka. “Ndipo ine nkhwona Kuchanya Kupya na Charu Chapasi chipya. Kuchanya kwakudanga, charu chakudanga ichi, chikamara; ndipo kukaŵavye nyanja. Ndipo ine Yohane nkhwona Msumba utuŵa, Yerusalemu Mupya, kwikha kufuma Kuchanya kwa Chiuta.” Kwenekuko Chiuta wakukhala na ŵana Wakhe waneneska, ŵana ŵanarumi na ŵana ŵanakazi, kwenekuko Iyo wangamanya kuyanjana na iwo mu utuŵa, na maso ghawo ghakubulumutizigika ku kwananga kulikose. Kwamkuŵaso kwananga chara kufuma apo mpaka kunthazi.

170 Tiyeni tilimbikire chomene; muleke kupuruskika mu zuŵa ili, kweni, “limbikirani kunjira pa chipata.”

171 “Pakuti wose awo ŵazamkukhalirira kunyuma ŵazamkuŵa ŵazaghali, ŵadokezi.” “Uyo yose wakumulaŵiska mwanakazi na kumudokera iyo wachita nayo kale chigoloro.” Wose na . . . ŵakuwaro ŵazamkuŵa ŵanakazi ŵa mbiri-yiheni, mwanarumi ŵa mbiri-yiheni, na vinyakhe.

172 Ndipo ŵekha awo mbakuwomboreka, ndipo ŵali mu Bukhu la Mwanamberere Wamoyo, ŵazamkunjira pa chipata. Ntheura limbikirani, ŵabwezi; muleke kupuruskika mu nyengo iyi yaumaliro.

173 Iyi ndi nyengo yikuru. Waliyose wali na ndalama. Waliyose wangamanya kuchita *ichi*, ndipo waliyose wangamanya kuchita *icho*, ndipo ndalama kusangikanga nthowa yose, na magalimoto ghakuru, na chirichose. Kula kwamkuŵavye nanga njimoza wa ivyo mu Msumba ula. Kwamkuŵavye nanga ndi galimoto yimoza, ndege yimoza. Chara. Ichi pamoza chizamkuŵa chitukuko cha mtundu wapadera. Ichi chizamkuŵaso chitukuko cha kumanya chara, nesi cha sayansi, kweni cha kuwura kumanya, na chipulikano mwa Chiuta wamoyo.

174 Tiyeni ise tilimbikire kunjiramo mwa Icho. Pakuti ichi ndicho chirato chane chose, chakuti tizakanjire mu Msumba ula zuŵa linyakhe; na kulaŵiska waka kunyuma, kwizanga pamoza na ine, kulaŵiskanga waliyose wa imwe wakuyenda, apo ise tikwimba, “ŵatuŵa ŵakwenda ŵakuruta ŵakunjira mkati.” Ine nkhuKhumba kuzakaŵa mu gulu lira para ŵatuŵa ŵakwenda ŵakunjira mkati.

Tiyeni ise tipemphere.

175 Mwaŵakutemweka Ŵadada muli Kuchanya, apo mazuŵa ghakuruta ku umaliro, ndipo ise tikuliwona ili likwiza kufupi, phangano likusenderera kufupi. Ise tikupemphera, Chiuta Wakutemweka, kuti Imwe muŵike icho pa mitima yithu, ntheura ise tichitengeso kwananga chara. Chiuta Wakutemweka, sungani njuŵi yithu yikhale yituŵa. Sungani mitima yithu yakubenekerereka, Fumu, maso ghithu ghakubenekerereke ku vinthu vya charu, na vinthu vyawakawaka vya charu, uchindami wa wakawaka kuti tizakazgoke munyakhe mukuru.

176 Kwambura kupwererako ukuru umo iwo ŵaliri, mafumu ghose, mafumu ghakurughakuru, mafumu ghankhongono, na chinyakhe chirichose chikwenera kuti chimare, ndipo iwo ŵazamkuwuka chara mu chiwuka chachi-...mu chiwuka chapakudanga. Pakuti kuli kulembeka, “Wakutumbikika na mutuŵa ndi mweneuyo wali na gawo mu chiwuka chapakudanga, pa cheneicho nyifwa yachiŵiri yirije nkhongono.” O Chiuta! “Nyifwa Yachiŵiri,” nyifwa yauzimu, “yirije nkhongono”; iyo wawomboreka!

177 O Chiuta, kughanaghana kuti limoza la maora agha, yumoza wazamkuluta kuya kamuchezgera munyakhe, na kukwapulikira muchanya. “Ŵaŵiri pa bedi; wazamkutorapo yumoza, na kumuleka yumoza. Ŵaŵiri mu munda; Ine ndizamkutorapo yumoza, na kumuleka yumoza.”

178 O Chiuta, tivwireni ise kuti tiŵe ŵatuŵa mu—mu maso gha Imwe, Fumu, kwali munthu waghaneghane vichi za ise, ivyo ŵanthu ŵanyakhe ŵakuyowoya. Fumu, zomerezgani utuŵa withu...kuyowoyeskana kwithu kuŵe kutuŵa. Zomerezgani ichi chikhazikiskike na Mazgu gha Chiuta; kukhazikiskika nadi, Fumu, mwakuti muleke kusangika ndulu mwa ise. Apo ise tikuŵeyerera, mu kunangiska kwithu, kuti Ndopa za Yesu Khristu zizamkuyimirira pakati pa ise na Chiuta, mwakuti Iyo wazakalaŵiske pasi kwa ise kwizira mu Ndopa za Yesu; pa urunji withu na withu chara, panji icho ise tiri, ivyo ise tachita, kweni na kumanya Kwakhe pera. Chiuta, perekani ichi!

179 Nkhupemphera kuti pangaŵanga yumoza chara mweneuyo ŵakhala muno usikuuno ndipo ŵawupulika Uthenga, nkhuPemphera paŵavye yumoza wa iwo watayike, kufuma ku mwana muchoko chomene kufika ku murara chomene. Mphanyi khumbo lawo lituŵa liŵe pa Chiuta pera na Mazgu Ghakhe. Ise

tikumanya chara ora leneilo Iyo wangamanya kuwonekera, panji ora leneilo Iyo wangamanya kutichemera ise kuchanya kuya kazgora pa Cheruzgo. Ise tikumanya chara ora apo Iyo panji, ngati ndiumo kukaŵira, kutora khadi lithu apo ghakusungika, nakuti, “Ndi nyengo yakuwerera kukaya sono. Imwe mukwenera kuti mulute.” Chiuta, tivwireni ise kuti tikhale ŵatuŵa. Perekani ichi, Fumu.

¹⁸⁰ Nkhupempha mphanyi ise tangukhala ŵamoyo mpaka Kwiza kwa Fumu, usange ichi chingaŵa chamachitiko. Nkhupempha mphanyi ise tanguchita chirichose icho chiri mu nkhangono zithu, na chitemwa na kupulikiska, kumanya kuti Chiuta wakusanda charu, muhanyauno, kuyisanganga mberere yiriyose yakutayika. Nkhupempha mphanyi tanguyowoya kwa iwo na lurombo lakukhazikika la chitemwa na Mazgu gha Chiuta, mwakuti ise tingamanya kuyisanga yimoza yira yakusoŵa, ntheura ise tingamanya kuruta ku Kaya, na kufumako ku Eden wakale uyu wa Satana kuno, Fumu.

¹⁸¹ Chose icho chikakhazikika pa udokezi, na ŵanakazi ŵakutowa, ngati ndiumo ŵakuchemeka-ŵakuti mu charu, na vyakuchemerera vyawo penepapo, “Ise tikuchemerera, ndipo tikukhumba ŵanyamata ŵize na jamu ku visko vyawo, na ŵasungwana ŵakutowa ŵakuvwara ŵakabunthu,” nkhanira pa mawayilesi ghithu na matelevision; na mtundu wose wa ukazuzi na uheni, na Hollywood; mitundu yose ya uzaghali, kubinkha, malaya ghaukazuzi gha ŵanakazi. Ndipo—ndipo mwanarumi kuŵa wakutimbanizgika na kutoranga vyakuvwara vya ŵanakazi, na kudumuranga sisi ngati ndi ŵanakazi; ndipo ŵanakazi ngati ndi ŵanarumi.

¹⁸² O Chiuta, ora lakofya uli ilo ise tikukhalamo! O, zanginge, Fumu Yesu, zanginge! Zanginge, Fumu! Titzogani ise na Ndopa. Wuskaniko ukazuzi wose na chinyengo kufuma kwa ise. Tizomerezgani ise tikhale ŵamoyo, Fumu, tizomerezgani ise kukhala pasi pa Ndopa, nyengozose, pamaso Pinu. Ndi khumbo lithu la mitima withu, na kuŵeyerera kwithu.

¹⁸³ Chiuta wakutemweka, kukhala pa ili go-...panji agho, thebulo, usikuuno, kwenekuko Uthenga waperekeka. Fumu, apa pali tumuthaulo na tukatundu tuchokotuchoko uto tukuluta ku ŵarwari na ŵakusuzgika. Zomerezgani lurombo la chipulikano, Fumu, likhire kufuma ku mitima yithu sono, kufika pa pamaso Pinu. Ntheura, Fumu, usange kangaŵamo kalikose kaukazuzi mwa ise, Fumu, torani chithu...titorerani ise ku cheruzgo sono; ndipo ise tikumuŵeyani mutilengere lusungu. Vumburani kwa ise ivyo ise tikuchita makora chara, Fumu, ntheura ise tingamanya kuromba, kuti titore Ndopa na kutitozga ise. Chizgani ŵanthu ŵarwari aŵa na kuŵapanga iwo ŵamusuma, Ŵadada, kulikose uko ili lingaruta, kulikose uko ichi chingaruta. Zomerezgani ichi chiŵe ntheura, Wadada.

184 Mutipe ise chisimikizgo cha kumuteŵeterani Imwe, ndipo Imwe pera. Perekani ichi, Fumu.

185 Perekani chivikiriro ku ŵanthu aŵa ŵakutemweka aŵo ŵali mu nthowa yakuluta kukaya.

186 Nkhumuwongani Imwe umo Imwe mwaŵachizgira ŵanthu. Na mwana wa Mlongosi Shepherd na M'bale Shepherd, wakapwetekekerana pa njinga, ine nkhupephera kuti uheni uleke kwiza ku icho; mwana muchoko kuyendeska njinga yakhe, ine nkhupephera kuti iyo wakhale makora. Ise tikumuwongani Imwe pa machirisko Ghinu pa vinyakhe ivyo ise tapempha. “Ndipo ise tikumanya kuti icho ise taromba, tikupokera, chifukwa ise tiri nacho chigomezgo mwa Yumoza uyo wakapanga phangano.”

187 Mutipe ise uchizi Winu, Fumu, ndipo mutigowokere ise zakwananga zithu, ise tikuramba mu Zina la Yesu Khristu. Amen.

188 Kasi imwe mukumtemwa Iyo? [Gulu likuti, “Amen.”—Munozgi.] Kasi imwe mukumugomezga Iyo? [“Amen.”] Kasi imwe mwarwara ndipo mwavuka na ufumu wa Satana? [“Amen.”] Kasi imwe mukugomezga ichi chikwiza ku Mileniyamu, ku Mileniyamu Wakhe; Wakhe, ku Eden Wakhe? [“Amen.”]

189 Imwe mukugomezga ichi chapangika muhanyauno? Wonani, chirichose chakhazikika pa masambiro. Vyose, chirichose, chikwenera kukhozgeka mu nthowa ya sayansi pambere iwo ŵandachigomezga ichi.

190 Ndipo imwe mungamufufuza chara Chiuta munthowa yasayansi. Imwe mukwenera kumuzomera Iyo mwa chipulikano, “Pakuti yose iyo mweneuyo wakwiza kwa Chiuta wakwenera kugomezga kuti Iyo waliko, ndipo wakupereka njombe ku wose awo ŵakumupenja Iyo mwakufikapo.”

191 O Chiuta, ine nkhuumba chara kumanya kalikose kweni Ndopa za Yesu Khristu izo zikunditozga ine ku kwananga. Ine nkhumanya chinyakhe chara kweni Yesu Khristu. Ndipo umo Paulos wakale wakayowoyera, ntheura nkhuoyoyaso ine usikuuno, “ine nkhumanya kalikose chara pakati pinu, kupatulako Yesu Khristu pera, ndipo Iyo wakapayikika.”

192 Ndicho chekha ine nkhumanya chakuti ndingamuphalirani imwe. Kuti, Baibolo ili, ine nkhuigomezga na mtima wane wose (usange ine nkhuwumanya mtima wane), kuŵa ghakufikapo ghambura kusakanikirana Mazgu gha Chiuta. Na Ichi ine nkhuhala wamoyo. Na Ichi ine nkhuuyima. Ndipo usange ine ndikaŵenge na maumoyo vikwi khumi, ine ningatemwa kupereka chiduswa chirichose cha uwu ku Mazgu agha, pakuti agha ndi Mazgu gha Yesu Khristu. Ndipo ine nkhuwerera chara kwali iwo ŵangayeza kughasuska uli Agha, kwali sayansi yikuyezga uli kuyowoya kuti Ighe ngambula kugomezgeka, na

vinyakhe vinandi. Kwa ine, Ichi ntchindu chekha pera mu charu ine ningamanya kuchigomezga, ndi Mazgu agha. Iyo ngwane. Ine nkhumutemwa Iyo. Nanga imwe? [Gulu likuti. "Amen."—Munozgi.]

¹⁹³ Usange muli kwananga mu mtima winu, usange muli uheni mu mtima winu, usange imwe muli na chirichose, pempherani sono ndipo murombani Chiuta kuti wamugowokerani imwe. Imwe mundipempherere ine; ine ndimupemphereraninge imwe. Chiuta wamutumbikani, ndilo pemphero lane.

Tizakakumane! tizakakumane!
Chiuta waŵe namwe tizakakumaneso!

¹⁹⁴ Kasi imwe mukutemwana yumoza na munyakhe? [Gulu likuti, "Amen."—Munozgi.] Yohane wakati, "Mwatwana tuchoko, temwanani yumoza na munyakhe." "Temwanani yumoza na munyakhe, pakuti chitemwa chikubenerera zakwananga zinandi." Sono tiyeni ise tikorane chasa yumoza na munyakhe.

Chiuta waŵe namwe tizakumaneso!
Tizakakumane! tizakakumane!

¹⁹⁵ Sono muŵe ŵachisungusungu kwa yumoza na munyakhe. Muŵe ŵachisungusungu kwa waliyose. Mukorani makora muzengezgani winu. Jisungani mwaŵene ŵambula banga mpaka Yesu wafike.

. . . malundi;
Tizakakumane! tizakakumane!
Chiuta waŵe na imwe tizakakumaneso!

¹⁹⁶ Imwe mukumutemwa Iyo? [Gulu likuti, "Amen."—Munozgi.] Ndilo pemphero lane. Imwe mundipempherere ine; ine ndimupemphereraninge imwe. Ine nkhuenera kuruta kuwerera ku Tucson sono. Ndipo ine—ine nkhupepamera kuti Chiuta wamutumbikani imwe mose. Ine nkhuuruta ku Canada pakufuma kuno, na kuwereraso ku Colorado; kuzungulira, kuzungulira, kuzungulira, wonani. Mpaka . . . ? . . .

¹⁹⁷ M'bale Tony wali kudera kwenekula, ndipo chinthu chikuru chachitika. Nkhanira mu Vatican, ku Rome, iwo ŵakuchemeska chisisimuso, ungoro, kuti ine ndilute kwenekula na kukachitiska ungoro wa chisisimuso mu Rome, mu Rome. Iyo wakawerera waka. Ŵanthu wose ŵali pamoza. Iwo ŵali na nyumba yikuru yakusoperamo, mukunjira vikwi na vikwi, ndipo iwo ŵakukhumba ine ndilute na chisisimuso. Iwo ŵakukhumba kuwona uchindami wa Fumu mu utumiki. Ine nkhumanya chara. Ine nkhuenera kupempherera za ichi, kuwona icho Fumu yindiphalirenge ine. O, mwe! Kumbukirani, pempherani, tose ise pamoza. Ise tikuteweta . . .

Ise tikukhazga kwiza kwa wakatumbikika
withu Mutaski,
Ehena, ndipo wonani mahamba gha chikuyu
sono ghayamba kubiriwira;
Uthenga wa Ufumu Wakhe waruta ku mtundu
uliwose;
Ndipo ise tiri kufupi kuumaliro, kungamanya
kuwoneka.

198 Asi uwo mbunenesko? [Gulu likuti, “Amen”—Munozgi.]

Ntheura mwakukondwa kula ise
tizamkuwupulika Uthenga wa kuwonekera
Kwakhe kwakatumbikika,
Sonosono Iyo wakwiza mu uchindami,
kuzakaphara kwa yumoza na wose;
Ntheura ukani, imwe watuwa wa Fumu,
mukugonerachi apo umaliro uli pafupi,
Tiyeni ise tinozgekere ntchemo yaumaliro yira.

199 Iyo wazamkuzgokera ku zambwe, na kuwereraso kunyuma,
limoza la mazuwa agha, kumbukirani waka. Iyo nadi
wazamkufika. Ndipo uwo mbunenesko. Mpaka kalekale:

Tora Zina la Yesu,
Mwana wa chitima we;
Likuchitirenge chimwemwe na
kukupembuzga we,
Tora ili, kulikose ukuluta'we.

Zina Lakuzirwa (Zina lakuzirwa), O kunowa
mwe!
Chigomezgo cha charu chimwemwe cha
Kuchanya;
Zina Lakuzirwa, O kunowa mwe! (mwe
kunowa!)
Chigomezgo cha charu chimwemwe cha
Kuchanya.

Pa Zina la Yesu nkhusindama,
Kuwa mwantchindi pa malundi,
Fumu ya mafumu Kuchanya tamkuyivwarika,
Para ulendo withu wamara.

Zina Lakuzirwa, O kunowa mwe!
Chigomezgo cha charu na chimwemwe cha
Kuchanya;
Zina Lakuzirwa, O kunowa mwe!
Chigomezgo cha charu chimwemwe cha
Kuchanya.

200 Sono, pa vesi ili laumaliro, tiyeni ise tiyimbe na mitima yithu
yakusindama.

Tora Zina la Yesu na iwe,
 Ngati ntchiskango ku msampha uliwose;
 Ndipo para viyezgo vyakuzingirizga iwe,
 (vinthu ivi vya ufumu wa Satana, wonani,
 wonani)

Zunura waka Zina lituŵa lira mu pemphero.

²⁰¹ Mbwenu kwamara; nthaura yendani fumanipo. Ichi chikovwira. Ine ndiri kuchiyezgapo ichi. Gomezgani waka ichi sono, chifukwa ichi chigwirenge ntchito. Zunulani waka Zina Lakhe lituŵa mu pemphero.

. . . Zina la Yesu na iwe,
 Ngati ntchiskango ku msampha uliwose;
 Para viyezgo vyakuzingirizga iwe, (kasi imwe
 mukuchita vichi nthaura?)

Zunura waka Zina lira lituŵa mu pemphero.
 (Chidiko chifumengeko ku maso kwako.)

Zina Lakuzirwa (Zina lakuzirwa), O kunowa
 mwe!

Chigomezgo cha charu chimwemwe cha
 Kuchanya;

Zina Lakuzirwa, O kunowa mwe!

Chigomezgo cha charu chimwemwe cha
 Kuchanya.

²⁰² Tiyeni ise tisindame mitu yithu sono, apo ine nkhubempha M'bale Beeler kunyuma uko kuti wize kuno kugome. [M'bale Branham wayamba kung'ung'uta. *Tora Zina La Yesu Na Iwe—Munozgi.*]

Zunura waka Zina Lakhe lituŵa mu
 pemphero.

²⁰³ Imwe mutifumiske ise, M'bale Beeler. Imwe mutifumiske ise mu pemphero.

Zina Lakuzirwa.

Chigomezgo pacharu chimwemwe cha
 Kuchanya;

Zina Lakuzirwa (Zina lakuzirwa), O kuwona
 mwe!

Chigomezgo cha charu chimwemwe cha
 Kuchanya.

²⁰⁴ Sono na mitu yithu yakusindama, na mitima yithu yikusindama. M'bale Beeler, yumoza wa awo tikovwirana nawo kuno, M'bale Estle Beeler, m'bale muweme Mukhristu, munthu wakugomezgeka. Ine ndimufumbenge iyo usange iyo wanalifumiska gulu, usikuuno, mu pemphero. Chiuta wakatumbike, M'bale Beeler.



EDEN WA SATANA CTK65-0829
(Satan's Eden)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata namise, Ogasiti, 29, 1965 pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2012 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org